



醫學綱目卷之二十六

咳嗽

乾咳嗽

咳喉中作聲暴嗽

久嗽

孕嗽

大法

咳無痰而有聲肺氣傷而不清也嗽無聲而有痰脾濕  
 動而為痰也若咳嗽有痰而有聲者因傷肺氣動於脾濕  
 故咳而兼嗽也脾濕者秋傷於濕積於脾也故內經曰秋  
 傷於濕冬必咳嗽大抵素秋之氣宜清而肅若反動之則  
 氣必上衝而為咳嗽甚則動脾濕而為痰也是知脾無留  
 濕雖傷肺氣亦不為痰若有痰而寒少熱多故咳嗽嗽非  
 專主乎肺病以肺主皮毛而司於外故風寒先能傷之也  
 內經曰五臟六腑皆能使人咳非獨肺也各以其時主之  
 而受病焉非其時傳而與之也所病不等寒燥濕風火皆  
 能令人咳惟濕病痰飲入胃留之而不行上入於肺則為



嗽假令濕在心經謂之熱痰濕在肝經謂之風痰濕在肺經謂之氣痰濕在腎經謂之寒痰所治不同各宜隨症而治之若咳而無痰者以辛甘溫其肺故咳嗽者治痰為先治痰者下氣為上是以半夏南星勝其痰而咳嗽自安枳殼陳皮利其氣而痰自下痰而能食者大承氣湯微利之痰而不能食者厚朴湯治之夏月嗽而發熱者謂之熱嗽小柴胡四兩入石膏一兩知母五錢用之冬時嗽而發寒者謂之寒嗽小青龍湯加杏仁用之然此為大例更宜隨症隨時加減量其虛實此治法之大體也

咳分時

上半日嗽多屬胃中有火用具母石膏降胃火午後嗽多屬陰虛必用四物湯加知母炒黃柏先降其火黃昏嗽多此火氣浮於肺不宜用涼藥五味子五倍子歛而降之春嗽是春升之氣夏是火炎上最重

秋是濕熱傷肺

冬是風寒外束

用藥先後

治嗽藥大槩多用生姜以其辛散也 咳逆非蛤粉青黛瓜蒌貝母不除 大槩有痰者加痰藥 用藥發散之後必以半夏逐其痰庶不再來 治嗽痰多用粟殼不必疑但要先去病根此乃收後藥也

吐痰多

千凡上氣多有服吐藥得瘥亦有針灸得除者宜深體悟之

表裏

仲咳而脉浮者厚朴麻黃湯主之

厚朴兩五

麻黃兩四

石膏如雞子大

杏仁半升

半夏升半

乾姜兩二

細辛兩二

小麥升一

五味子升半

右以水一斗三升先煮小麥熟去查納諸藥煮取三升溫服一升日三服



脈沉者澤漆湯主之

半夏升半

紫參五錢一作紫苑

澤漆三斤以東流水五升半煮取一斗五升

生姜

白前各五兩

甘草

黃芩

人參

桂枝各三兩

右咬咀內澤漆汁中煮取五升溫服五合至夜盡

**丹** 感胃風寒咳嗽者行痰開腠理二陳湯加麻黃杏仁桔梗

**局** 三拗湯治咳嗽感胃風寒鼻塞聲重

甘草炙

麻黃節不去

杏仁皮不去

右咬咀每服五錢水一盞半姜五片煎服

**丹** 巡檢舍人夜嗽多脈大而浮三拗湯加知母黃芩生姜

煎一男子五十餘歲患咳嗽惡風寒口燥乾心微痛兩

手脈浮緊脅痞滿而數左手大於右手大槩表盛裏虛

問其人平日好嗜酒肉素有食積後因汗房勞又往來涉

寒水且冒微雨又忍飢歸後繼以飽食酒肉而病先用人

參每貼四錢麻黃根節一錢半與二三服咳嗽止惡風寒

除後改用厚朴枳實陳皮青皮瓜蒌仁半夏為丸與二十

餘貼用人參湯送下痞滿亦散而愈

廿三 喘感冷嗽上有痰

麻黃錢一

蒼朮錢二

瓜蒌

陳皮

半夏各三錢

枳殼錢三

黃芩錢一

桔梗錢二

木通錢一

甘草些

右分二貼加姜三片煎服

一婦人患嗽頭痛身膈痛

陳皮錢二

人參

川芎

麻黃

枳殼錢各一

分二貼水煎服



婦人患身疼嗽而食少

白朮

黃芩

芍藥各三錢

川芎二錢

木通

紫蘇各一錢半

甘草五分

右四貼熱服

脾肺

夫咳之為病有一咳即出痰者脾勝濕而痰滑也有連欬十數不能出痰者肺燥勝痰濕也滑者宜南星半夏阜角灰之屬燥其脾若利氣之劑所當忌也澁者宜枳殼紫蘇杏仁之屬利其肺若燥肺之劑所當忌也

燥脾濕方

治風痰嗽其脉弦面青四肢滿悶便溺閉澁必多燥怒宜以水煮金花丸主之

南星

半夏各一兩

天麻五錢

雄黃一錢

白麩三兩

寒水石煨一兩

右為末水丸如桐子大每服五十七丸至百丸煎漿水

沸下藥煮令浮為度淡漿水浸之以姜湯下

羅化痰玉壺丸治風痰吐逆頭痛目眩嗽嘔吐

天南星

半夏生各一兩

天麻半兩

白麩三兩

右為細末滴水為丸如桐子大每服三十九丸水煮令藥浮漉出放溫姜湯下

潔天麻丸治風痰

天麻

半夏

天南星各一兩

雄黃少許

白麩三兩

右以水丸每服五七十丸至百丸先煎水沸下丸煮十

餘沸後用姜湯下食前

笑 小黃丸治熱痰咳嗽脉洪面赤煩燥心痛唇口乾燥多喜

天南星洗

半夏各一兩

黃芩半兩



右為細末姜汁浸蒸餅為丸如桐子大每服五十九至七十丸

白朮丸治濕痰咳嗽脉緩面赤肢體沉重嗜臥不收腹脹而食不消

天南星

半夏各一兩

白朮一兩半

右為細末湯浸蒸餅為丸桐子大每服五七十九丸姜湯下食後局方防已丸亦可用

玉粉丸治氣痰咳嗽脉急面白氣上喘促泔洒寒熱悲愁不樂

天南星

半夏各一兩

陳皮去白二兩

右為細末湯浸蒸餅為丸如桐子大每服五七十九丸參生薑湯下食後服

姜桂丸治寒痰咳嗽脉沉面色黧黑小便急痛足寒而逆

心多恐怖

天南星

半夏各一兩

官桂去皮一兩

右為細末蒸餅為丸如桐子大每服五七十九丸生薑湯下食後

治嗽加減法 如心下痞悶加枳實五錢 如身熱甚加

黃連五錢 如體重加茯苓白朮各一兩 如氣逆上者

加苦葶藶五錢 如氣促者加人參桔梗各五錢 如氣

浮腫者加郁李仁杏仁各五錢 如大便秘者加大黃五

錢

羅太白丹治三焦氣滯破除餘痰止嗽開胃

半夏洗

天南星炮

寒水石炮

白礬枯

白附子炮

乾姜炮各等分

右為細末麪糊丸如桐子大每服三十九丸溫生薑湯下



食後

**世**法製半夏用大半夏不拘多少湯洗七次去臍焙乾再洗七遍用米泔浸一日夜取出控乾每半夏一兩用白礬一兩半研溫水化浸上留水兩指許頻攪冬月宜煖處頓放浸五日夜取出焙乾用鉛白霜一錢溫水化又浸二日夜通七日盡取出再用漿水於慢火內煮勿令滾候漿水極熟取出焙乾每服一二粒食後細嚼生姜湯下

利肺氣方

**羅**人參欬花散治肺胃虛寒久嗽不已咽膈滿悶咳嗽痰涎嘔逆惡心腹脇脹滿腰背倦痛或虛勞冷嗽及遠年近日一切嗽病諸藥不效並皆治之

欬冬花 人參 五味子 紫苑

桑白皮各一兩 杏仁錢八 木香 檳榔

紫蘇葉 半夏湯泡各五錢

右為細末煉蜜為丸如鷄頭仁大每服一丸食後細嚼淡姜湯送下

紫蘇半夏湯治喘嗽痰涎寒熱往來

紫蘇 半夏 紫苑茸 陳皮

五味子各五錢 桑白皮一兩 杏仁去皮尖一兩 麩炒黃

右為籠末每服三錢生姜三片水煎日三服

**垣**紫蘇飲子治脾肺虛實寒涎痰咳嗽

紫蘇葉 桑白皮 青皮 五味子

麻黃 杏仁 陳皮 人參

半夏 甘草炙各五錢

右咬咀每服五錢水二盞姜三片煎至七分溫服



**本治肺感風寒作嗽紫蘇散**

紫蘇

桑白皮

五味子

杏仁

麻黃

甘草

青皮各等分

右為細末每服二錢水一盞煎七分溫服

治嗽杏參飲

杏仁

欵冬花

前胡

半夏制

五味子

麻黃

柴胡

桑白皮

人參

桔梗各等分

右為細末每服三錢水一盞半生姜五片同煎七分通

口服

右利肺氣藥紫蘇麻黃表多者宜之

**利脇丸**主胃中不利痰涎咳嗽喘促利脾胃壅滯調秘

泄藏推陳致新化食治利膈氣之妙品也

然而脾  
胃滯滯  
加大

木香

檳榔

藿香各一錢

甘草錢五分

人參

當歸

厚朴各三錢

大黃炒

枳實各一錢

右為細末水丸桐子大每服三五十九

**衍**有婦人患肺熱久嗽身如炙肌瘦將成肺勞以枇杷葉

木通欵花紫苑杏仁桑白皮各等分大黃減半各如常製

治訖同為末蜜丸如櫻桃大食後夜臥各含化一丸未終

一劑而愈

右利肺氣藥加大黃脾胃壅滯者宜之

**世**杏仁煎治哮喘寒熱喜少嗔多面色不潤食少脉強緊

杏仁一兩去皮尖用童便浸一日一換夏月一日三換浸

半月取出洗淨焙乾研令極細每服一匙大用薄荷一葉

白蜜少許水一盞煎食後服甚不過兩劑永瘥

潤燥之  
劑



千用童便浸杏仁七日漉出洗淨研成泥別入瓷瓶中換小便煎成膏熱水下二錢瘥

圖用童便一升浸杏仁三升春夏七日秋冬二七日并皮尖研細濾取汁煮令魚目沸候軟如麪糊即成用柳篋攪勿令着底即以簾布攤乾為丸每服三五丸茶酒任下

丹肺鬱痰嗽睡不安者

貝母

杏仁

右為細末砂糖入姜汁蒸餅丸含化

右童便浸杏仁利肺氣潤劑也津液枯少者宜之

潤下丸治氣實有痰又治積氣并大腸經氣滯痰嗽

陳皮去白

甘草

食鹽各五錢

右以水拌令鹽水乾焙燥為末蒸餅為桐子大或為末白湯點服立效

衍有人患氣嗽將期或教以橘皮生姜焙乾神麪等分末

為丸如桐子大食後夜以米飲服三五十九丸煎藥

氣緣服此皆愈

氣克形實脉流者宜利氣

玉粉丸治氣痰脉澁方見前

局桔梗湯除痰下氣舒脇脹滿痰逆惡心飲食不進

陳皮去白

半夏姜制

桔梗炒各十兩

枳實去穰炒黃二兩

右末每服二錢水一盞生姜五片同煎七分去渣服

右用陳皮枳實氣克形實者宜之寒者加姜桂些少後二方有星半痰澁甚者忌服夫形肥或有汗或脉緩體重嗜臥之人咳者脾濕勝也形瘦或夏月無汗或脉澁之人咳者肺燥勝也濕者宜白木蒼木茯苓之屬燥之是也燥者宜杏仁瓜蒌之屬潤之是也

白木湯治咳嗽體重嗜臥脈緩前濕條白木丸亦治此病

形肥脉緩痰滑者宜燥



白朮

茯苓

半夏各等分

右為麤末作五分或半兩甚者加水二盞姜七片煎至一半取清水調神麩末二錢服之病甚者玉壺九大妙

永除根

白朮散治夏暑大熱或醉飲冷酒痰濕不止膈不利

白朮

茯苓

黃芩

半夏各等分

右為麤末每服五錢水二盞姜三片同煎去查調陳皮神麩末各一錢食後服

**保**酒性大熱不宜大飲蓋酒味熱而引飲冷與熱凝於胃

中不散而成濕故痰作矣甚者吐之後與五苓甘露勝濕

去痰之劑

右三方白朮燥濕半星勝痰形肥痰滑者宜之

形肥痰

**潔**防風丸治痰嗽胃中氣不清利者枳實丸亦治此症

防風

枳殼炒各半兩

白朮兩一

右為末煨飯丸每服六七十丸姜湯下

**丹**仁十二孺人虛而有濕痰膈上有熱

白朮

滑石各一兩

陳皮

木通五錢

黃芩三錢

甘草炙一錢

分六貼水煎服

七九嬌嗽有痰

蒼朮

半夏一錢

陳皮半錢

甘草炙二分

茯苓五分

桔梗二分

姜三片煎服

治濕痰

蒼朮三錢

白朮六錢

香附一錢

芍藥

右蒸餅丸

治肥人濕痰

苦參

半夏各一錢半

白朮二錢半

陳皮一錢

右作一服姜三片竹瀝與水共一盞煎食遠吞三補丸

無利氣



十五丸

羅卓角化痰丸治癆風心脾壅滯痰涎盛多喉中不利涕唾稠粘咽塞吐逆不思飲食或時昏瞶

枳殼炒二兩

天南星炮

白附子炮

半夏湯洗七次

白礬枯

人參去芦

赤茯苓去皮各一兩

阜角木白皮

酥炙一兩

右為細末生姜汁麩糊為丸如桐子大每服三十丸温水下食後

丹白龍丸治酒積有痰

半夏

滑石

茯苓

白礬枯各等分

右為末神麩糊為丸

右七方白朮蒼朮白附子半夏燥濕枳殼陳皮利氣形肥痰澁者宜之

寒痰

宋徽宗妃苦痰面浮如盤李醫用蚌粉新瓦上炒令通紅放地上出火毒每半兩加青黛少許同淡豉水滴入麻油數點調服而愈

寒痰

本草治喘嗽汗多者忌用

草烏五錢

麻黃三錢

右為末每服三大錢蘿蔔一箇同煮令熟只喫蘿蔔妙

形瘦脉

千杏仁煎潤肺丸已上二方見燥痰條

丹潤肺散

貝母一兩

瓜蒌仁半兩

青黛五錢

右為末姜蜜調成膏噙

抑痰丸

瓜蒌仁一兩

半夏二錢

貝母三錢

右為末炊餅丸如麻子大

咳逆上氣痰飲心痛

海蛤燒為粉研極細過數日火毒散用之

瓜蒌仁帶穰同研



右為丸如麻子大白湯下

楊文治痰嗽利胸膈方瓜蒌肥太者割開去子洗淨槌破刮皮細切焙乾半夏四十九箇湯洗十遍槌破焙乾為末用洗瓜蒌實熱水并穰同熬成膏為丸如桐子大生姜湯下二十九

**飽食傷脾嗽**

**干温脾湯治食飽則咳**

甘草兩四

大棗二十枚

右二味咬咀水五升煮水貳升温分三服若咽中痛而聲鳴者加乾姜一兩

**吃醋搶喉嗽**

**聖**甘膽丸治吃醋搶喉因成咳嗽不止諸藥無效用甘草二兩去赤皮作二寸段中半擘開用猪膽汁五枚浸三日取出火上炙乾為細末煉蜜丸每服四十九茶清吞下臥服神效曾有人患此諸藥不效用此方一服愈

**飲酒傷肺嗽**

**丹**飲酒傷肺痰嗽以竹瀝煎入韭汁就吞瓜蒌仁杏仁黃連丸

**治酒嗽**

青黛

瓜蒌仁

用蜜姜丸含化散肺毒也

**食積嗽**

食停積嗽非青黛瓜蒌實不除有食積人面青白黃色不常面上如蟹爪路一黃一白者是也

清金丸治食積嗽方見虛實條

瓜蒌丸治食痰壅滯喘咳

瓜蒌實

半夏

山查

神麴各等分

為末瓜蒌穰水為丸竹瀝姜湯送下

又方治食積痰嗽

杏仁

蘿蔔子各二兩

為末粥丸服

食積痰作嗽發熱者



半夏

南星

瓜蒌實

蘿菴子為佐

青黛

石碱為使

隨症加減丸服之

肺痿

肺痿專在養肺養氣養血清金

仲生姜甘草湯治肺痿咳吐涎沫不止咽燥而渴

生姜五兩

人參二兩

甘草四兩

大棗十五枚

右四味以水七升煮取三升分溫三服

炙甘草湯治肺痿涎唾多心中溫溫液液者用甘草一味以水三升煮半升分三溫服

桂枝去芍藥加阜莢湯治肺痿吐涎沫

桂枝

生姜各三兩

甘草一兩

大棗十枚

阜莢十枚去皮

右五味以水七升微微火煮取三升分三溫服

肺痿吐涎沫而不咳者其人不渴必遺尿小便數所以然

者以上虛不能制下故也此為肺中冷必眩多涎吐其

乾姜湯以溫之若服湯口渴者屬消渴

甘草炙四兩

乾姜二兩

右咬咀以水三升煮取一升五合去渣分溫再服

右治肺痿症或咳沫或咳血今編咳沫者入此門咳血

者入咳吐血門

診

熱在上焦者因咳為肺痿肺痿之病從何得之師曰或從汗出或從嘔吐或從消渴小便利數或從便難又被快藥

下利重亡津液故得之

脈咳而口中自有津液舌上胎滑此為浮寒非肺痿也

肺脹

咳而上氣煩燥者為肺脹仲景云咳而上氣此為肺脹脈

浮大者越婢加半夏湯主之又云肺脹咳而上氣煩躁而

喘脈浮者心下有水小青龍湯加石膏主之

二方並見喘門



丹肺脹而咳者用訶子青黛杏仁 訶子能治肺氣因火傷極遂成鬱遏脹滿不得眠一邊取其味酸苦有收斂除火之功佐以海石香附瓜蒌仁青黛半夏麩姜蜜調噙之香附用童便浸三日 脉鬱痰嗽睡不安宜清化丸貝母杏仁為末沙糖入姜汁蒸餅為丸噙化清化丸方見火熱條 肺脹而嗽或左或右不得眠此痰夾瘀血礙氣而病宜養血以流動乎氣降火踈肝以清痰四物湯加桃仁訶子青皮竹瀝之類如血礙氣作嗽者桃仁大黃姜汁丸服

針灸

一法灸但可一邊眠者可左側者灸右足三陰交可右側者灸左足三陰交立安

經治氣嗽嗽久者亦主之生訶子一枚含之嚥津瘥瘥後不知食味煎栴榔湯服之便有味

肺咳嗽

丹定喘切方

訶子

百藥箭

荆芥各等分

為末姜蜜丸含化

治嗽切方

五味子半兩

甘草二錢半

五倍子一錢

風化硝

為末蜜丸乾含化

世治痰嗽并喘白礬飛五倍子等分為末每二錢猪肝蘸藥臨臥服

本化痰涎方

明礬二兩枯

白殭蚕半兩炒去絲

右為細末生研薄荷令爛和丸如菘荳大每服二十九薄荷湯下日三服

治遠年近日喘嗽用皂角不蛀者三大莖剉去黑皮切開去子每子倉內入巴荳肉一粒合就麻皮縛定用生姜自然汁和蜜塗令周匝慢火炙之又塗又炙以焦黃為度劈開去巴荳以好明礬一兩枯過草麻七箇姜汁和蜜塗炙前三味為末却以杏仁二兩去皮尖研成膏與前藥和勻



每服一錢用柿餅炙過候冷蘸藥細嚼臨臥服忌魚鮓鮓  
鯊油麵酒米醋煎燂熱毒等物

右訶子五味五倍白礬例丹溪云黃昏嗽者火浮於肺  
酸味斂而降之是也

肺欲收  
急食酸  
以收之

羅九仙散治一切咳嗽

桑白皮 人參 桔梗 阿膠

五味子 烏梅 款冬花各一兩 貝母兩半

粟殼八兩去蒂蜜炒黃

右為細末每服三錢白湯點服嗽住止後服

款花清肺散治咳嗽喘促胸膈不利不得安臥

人參去芦 甘草炒 白礬枯 烏梅和核碎

款冬花各一兩 甜葶藶生用一錢 粟殼醋炒四兩

右為細末每服二錢溫米飲湯調服食後忌油膩物多

言語損氣

人參清肺湯治男子婦人肺胃虛寒咳嗽氣急胸膈咽塞  
腹脇脹滿迫塞短氣喜欲飲冷咽嗑隱痛及療肺痿勞嗽  
吐血腥臭乾嘔煩熱聲音不出肌肉消瘦倦怠減食

烏梅 地骨皮 人參 甘草炙

阿膠 杏仁炒去皮 桑白皮 知母

栗殼去頂蒂炒各一兩

右咬咀每服三錢水一盞半入烏梅一箇同煎至一盞  
去查溫服食後臨臥

人參款花散治咳嗽久不愈者

人參 款冬花各五錢 知母 貝母

半夏各三錢 粟殼黃一兩炒

右為簾末每服五錢烏梅同煎臨臥服



安肺散治痰嗽不問新舊

麻黃二兩去節 甘草二兩炒

御米殼四兩去蒂炒黃色

右為末每三錢水一盞入烏梅一箇煎七分去查温服

臨臥下

人參理肺散治喘嗽不止

麻黃去節炒黃色 當歸

木香各一兩 御米殼炒三兩

人參二兩 杏仁二兩炒

右吹咀每服四錢水煎

右御米殼烏梅例收後藥也

世治嗽貝母去心畧炒知母去毛各一兩巴豆霜十四粒

為末和勻老生姜切如錢厚兩面蘸藥末臥嚼嚼時開口

勿咽

上治咳嗽胸膈滿多喘上氣

生姜升半 砂糖兩

右二味煎姜汁減半納糖更煎服

咳嗽上氣厥在胸中過在手陽明太陰全文見治虛實法

海肺咳喘息而有音甚則吐血麻黃湯 太陽咳而遺矢

赤石脂禹餘糧湯桃仁湯不止用猪苓分水散 心咳心

痛喉中介介鯁狀甚則咽喉痺用桔梗湯 小腸咳咳而

失氣氣與咳俱失芍藥甘草湯與夏脈不及病同蓋小腸為心之府故也 肝

咳兩脇下痛甚不可以轉轉則兩胛下滿小柴胡湯仲景云咳

引脇痛為懸飲且上寒湯丹溪云咳引脇痛宜疎膽咳

咳嘔膽汁黃芩加半夏生姜湯 脾咳右脇下痛陰陰痛

引肩背甚則不可以動動則咳劇升麻湯 胃咳嘔嘔甚

則長虫出烏梅丸 腎咳腰背相引而痛甚則咳涎麻黃

附子細辛湯 膀胱咳遺溺茯苓甘草湯 三焦咳腹滿

肺先受邪傳與五藏六府

以注瀉



不欲飲食此皆聚於胃關於肺使人多涕唾而面浮腫氣逆錢氏異攻散

素咳嗽煩寃者是腎氣之逆也示從容篇一陽發病少氣善

咳善泄 夏脉不及則令人上見咳唾下為氣泄全文見治虛實法

寒熱面赤脈洪大者熱痰

凡咳嗽面赤胸腹脇常熱惟於足乍有涼時其脉洪者熱痰在胸膈也宜小陷胸湯礞石丸之類清膈降痰甚而不已者宜吐下其痰熱也面白悲噓或脇急脹痛或脉沉弦細遲而咳者寒飲在胸腹也宜辛熱去之

世小陷胸湯治咳嗽膈有熱痰胸脇腹常熱者神效方見傷寒丹黃連化痰丸

黃連 吳茱萸一錢半 陳皮五錢 半夏一兩

右為末麵糊丸如菉苣大每服百丸生姜湯下

右黃連半夏治痰嗽

青礞石丸去痰或痞痛經絡中有痰皆能治之

青礞石硝煨五錢 半夏二兩 風化硝二錢 陳皮七錢

白朮一兩 茯苓七錢 黃芩兩半

右炒神麴姜糊丸

又方礞石丸治痰

礞石半兩 半夏七錢 南星 茯苓各五錢

風化硝二錢

右為末神麴糊丸

痰嗽化痰方

黃芩一兩半 滑石兩半 貝母 南星各一兩

風化硝半錢 白芥子五錢

右為末湯浸蒸餅丸丹溪云脇下痰非白芥子不能除



右風化硝佐礞石茯苓半夏治痰嗽例丹溪云礞石九  
重在風化硝

潔方見前小黃丸治咳嗽面赤煩燥脉洪濕痰條

羅人參半夏丸化痰墜涎止嗽定喘或風痰茶痰食痰一  
切痰逆嘔吐厥頭痛或風氣偏正頭風疼或壅頭目昏眩  
耳聾鼻塞咽乾胸膈不利

人參

茯苓

天南星各半兩半夏

乾姜

白礬

寒水石各一兩蛤粉二兩

薄荷五錢

藿香二錢

右為細末水糊丸如桐子大每服三十九丸生姜湯下食  
後日三服

金珠化痰丸治痰熱安神定志除頭痛眩暈心怔忡恍惚  
胸膈煩悶涕唾稠粘痰實咳嗽咽膈不利

生龍腦研細半兩

阜莢仁炒黃一兩

天竺黃一斤

金箔廿片

白礬枯二兩

半夏姜汁制四兩

右阜角仁半為末與諸藥同拌勻生姜自然汁為丸如

桐子大每服三十九丸生姜湯下食後臨臥

人參清金丸治熱止嗽消痰定喘

柴胡

人參各一兩

黃芩

甘草炙

半夏各七錢

麥門冬

青黛

陳皮各二錢

五味子二十粒

右為細末水麩糊為丸如桐子大每服三十九丸温白湯  
下食後

面白脈  
弦微者  
寒痰

垣脾肺受寒痰嗽用藥法

難經云肺太過則外症面白

善嚏悲愁不樂欲哭其內症喘咳上喝逆氣煩心胸滿煩

熱夜則涕出多嚏鼻塞不通肺金大實以子助母也心脾



肺皆受寒邪涎出口甘水反侮土寡於畏也腹中大寒病  
名曰寒中痰白作泡肺中氣虛而為大寒子助母也當於  
肺中瀉腎水非辛熱之藥不退也口甘涎沫者胃中寒而  
不和以辛甘熱去之飲酒者多有此反化  
半夏溫肺湯治心腹中脘痰水冷氣心下汪洋嘈雜常多  
唾口中清水自出脇肋急脹痛不欲食此胃氣虛冷所致  
其脈沉弦細遲

旋覆花

人參

細辛

桂心

甘草

陳皮

桔梗

芍藥

半夏制各兩

赤茯苓三分

右咬咀每服四錢姜三片煎食後服

丁香半夏丸治心下停飲冷痰頭目眩暈睡臥口中多涎

檳榔三錢

丁香

半夏各一兩

細辛

乾姜

人參各五錢

右為細末生薑汁糊為丸如桐子大每服二十九丸姜湯

下日三服食後

羅溫胃化痰丸治膈間有寒脾胃停飲胸膈不快痰涎不

已

半夏泡三兩

陳皮去白

乾姜炮

白朮焙各二兩

右為細末生薑麩糊為丸如桐子大每服二十九丸生薑

湯下不拘時

潔姜桂丸治咳嗽面黧黑足寒脈沉方見前濕痰條

局胡椒理中丸治肺胃虛寒咳嗽氣急逆氣虛痞不能食

嘔吐痰水

款冬花去枝梗

葶撥

陳皮

乾姜炮

良姜炒

甘草炙

細辛去苗

胡椒各四兩



白木五兩

右末煉蜜丸如桐子大每服三十九丸温湯下

仲吳茱萸湯方見傷寒

潔夏月嗽發寒熱者謂之熱嗽用小柴胡湯三兩加石膏

七錢知母三錢治之柴胡湯方見傷寒冬月嗽而發寒熱者謂

之寒嗽用小青龍湯加杏仁治之方見傷寒

丹火嗽宜清金化痰丸 清化丸與清金丸同用專治熱

嗽及咽痛蓋苦能燥濕熱輕能治上取燈籠草葉為細末

蒸餅為丸每服三五十丸燈籠草即苦耽草其結房如燈籠狀故以名之清金

丸一名與點丸去肺火降膈上熱痰與清化丸同用黃芩

一味炒為末水丸服 痰因火動逆上作嗽者先治火次

治痰用知母止嗽清肺金滋陰降火 火鬱嗽用訶子海

石瓜萎仁青黛半夏香附以開之 喘嗽不拘老幼久近

上雍等疾槐花為末滴水丸如桐子大熟水或姜湯下不

拘時

羅柴胡飲治虛勞羸瘦面黃無力減食盜汗咳嗽不止

柴胡兩一 五味子錢五 地骨皮半一兩 鱉甲酥炙一兩

知母兩一

右為細末每服二錢入烏梅二枚青蒿五葉水煎去查

服

本又方治勞嗽虛症及鼻流清涕耳作蟬鳴眼見黑花一

切虛症丈夫婦人皆可服少年亦不妨

五味子兩二 鱉甲兩三 地骨皮兩三

右為末煉蜜丸如桐子大空心食前温酒或塩湯任意

服三五十九丸婦人醋湯下此方乃曲江人家秘方余服

之大有功效處方有理甚妙



傷冷嗽

海易簡杏子湯治咳嗽不問外感風寒內傷生冷及虛勞咯血痰飲停積皆治療

人參

半夏

茯苓

細辛減半

乾姜減半

甘草

桂枝減半

芍藥

五味子各等分

右咬咀每服四錢水一盞半杏仁去皮尖剉二皮姜三片煎至六分去渣溫服 若感冒得之加麻黃等分

若脾胃素實者用粟殼去筋膜剉碎以醋淹炒等分加

之每貼加烏梅一枚煎服其效尤驗嘔逆惡心者不可

用此 若久年咳嗽氣虛喘急去杏仁人參倍加麻黃

芍藥乾姜五味子各增一半一名小青龍湯

潔古水煮金花丸治咳嗽多怒 天麻丸 羅氏化痰玉

壺丸已上三方並見濕痰條

丹搜風化痰丸

人參

僵蚕

槐角

白礬

天麻

陳皮去白

荆芥各一兩

半夏四兩汁浸

辰砂兩半

右為末姜汁研蒸餅為丸除辰砂為衣每四十九丸姜湯下

羅延壽丹治風壅痰嗽或寒痰咽膈不利

天麻兩半

枸杞一兩半

明礬一兩半枯 乾姜一兩半

右為細末酒和成劑再用蒸餅裹定於籠內蒸熟去麩搓為丸如桐子大每服三十九丸溫水下食後臨臥

局防風丸治風痰上攻頭痛惡心項急目眩旋暈痰涎壅滯昏憤

天麻酒浸一宿

甘草炙

川芎洗

防風各一兩



朱砂五錢為衣

右為末每兩作十九朱砂為衣每服一九荆芥湯化服茶亦得不拘時

川芎九消風壅化痰涎利咽膈清目頭痛旋暈

川芎薄荷去土各桔梗兩半防風去芦一兩半

甘草三兩半

右為末煉蜜為丸每兩半作五十九每服一九細嚼臘茶清下食後臨臥

河間防風通聖散加半夏治風痰咳嗽方見癩癩千緡湯方見

喘潔古治痰嗽不能飲食者厚朴湯治之方見大便秘

虛實山喘嗽白殭蚕為末姜汁清茶調服臨臥下

潔治痰嗽能飲食者大承氣湯微下之方見傷寒

丹陰虛咳嗽四物湯加竹瀝姜汁主之陰分嗽者多屬

陰虛治之用知母止嗽勿用生姜以其辛散故也肺虛

嗽甚此好色腎虛者有之人參膏以陳皮生姜佐之

羅團參散治脉氣不利治咳喘止嗽

紫團參紫苑茸各等分款冬花

右為細末每服二錢水一盞烏梅一枚同煎七分去渣

溫服食後

陽虛者參芪

人參款冬花膏治脾胃虛寒久嗽不已咽膈滿悶咳嗽痰涎嘔逆惡心腹脇脹滿腰背傷痛或虛勞冷嗽及遠年近日

一切咳嗽諸藥不效者

款冬花去枝人參去芦五味子去枝紫苑去芦

桑白皮去粗枝各一兩

右為細末煉蜜和丸如鷄頭大每服一九食後細嚼淡姜湯送下或一九分作四服含化亦得



食治咳嗽不瘥者黃明膠炙令半焦為末每服一錢七人參末二錢七用豆豉湯一盞八分葱少許入銚子煎一兩沸後傾入蜜遇咳嗽時呷三五口

本治十六般哮喘

黃明膠炙一兩

馬兜零

甘草炙

半夏姜汁浸三日

人參半兩

杏仁去皮尖巴上各一兩

右為細末每服一大錢水一盞煎至七分臨臥食後服隨病有湯使為引

心嗽面赤或汗流加乾葛煎早飯後服 肝嗽眼泪出

加烏梅一枚大米十四粒煎 脾嗽不思飲食或一兩

時惡心入生姜二片煎 胃嗽吐逆酸水入蛤粉煎

膽嗽令人不睡加茯神五分茶清調下 肺嗽上喘氣

急入桑白皮煎 膈咳嗽出痰如真塊生姜汁調藥嚥

下 勞嗽入秦艽末同煎 冷嗽天曉嗽甚葱白二寸

同煎 血嗽連頓不住當歸末棗子同煎 暴嗽涕

稠粘入烏梅生姜同煎 產嗽背脚疼痛甘草三寸黃

蠟少許同煎 氣嗽肚痛脹滿入青皮去白同煎 熱

嗽夜甚蜜一七葱白同煎 哮喘喉如拽鋸入半夏三

枚同煎 腎嗽入黃芪白飴糖同煎

上件十六件般嗽痰依法煎服無不效驗此方乃京都

一家專治此疾因中官厚賂方始得傳屢試有效

右人參治嗽例

丹有一子三十餘久瘡虛甚盜汗得嗽嗽來便熱夜甚

甘草炙

白朮一錢半

防風錢一

黃連分五

人參分八

乾姜分三

黃芪分五

白水煎服

里成人多嗽怠惰脉不數兩手脉大而長此勞症無熱



白木半錢

陳皮

蒼朮

茯苓各五

神麴七分

川芎三分

黃芩三分

五味子七粒

芍藥五分

黃芪

甘草各三分

用生姜二片同煎

陳孺人九十餘歲嗽或發或止發時有清痰寒熱作食少面虛浮淡黃色

陳皮

青皮

白木

芍藥各五錢

麻黃二錢

木通

乾姜

黃芩各二錢半

甘草炒

防風各一錢

分七貼五味子七粒煎三之一

雲補肺湯治勞嗽

桑白皮

熟地各三兩

人參

紫菀

黃芪

五味子各一兩

右為末每服三錢水煎入蜜少許食後

垣欵花補肺湯治年高氣弱肌體瘦困短氣遇秋冬咳嗽大作夜間尤甚三五百聲不絕春夏稍緩

黃芪兩半

甘草錢

當歸七分

佛耳草錢

欵冬花二分

陳皮七分

丹皮三分

黃栢酒浸三分

蒼朮錢

麴末七分

右吹咀每三錢水煎去查稍熱食後服

清肺湯除濕熱治金火嗽

黃芪四錢

蒼朮

防風

歸身

茯苓各一錢

五味子三十粒

陳皮二錢

青皮五分

澤瀉二錢

黃栢六分

右剉如麻豆每服五錢水煎去查稍熱臨臥服  
瀉火補肺湯治金火嗽五六月間嗽



五味子錢五 黃芪錢二 人參錢一 甘草錢一

陳皮去白 錢一 麥門冬錢一 青皮分五 升麻錢一

蒼木錢一 歸身錢一

右判如麻豆大每服五錢水煎去查稍熱服

右參芪朮治嗽例後三方黃芪為君氣虛甚者宜之膈

滿食少者忌服

丹蛤蚧丸治肺臟內傷咳嗽氣急久不除漸羸瘦

蛤蚧一兩炙 兩足 訶子 煨取 肉 細辛 甘草炙

阿膠炒 蛤粉 熟地 麥門冬去心 各五錢

為末蜜丸每兩作十五丸每一丸食後含化

右蛤蚧丸久嗽不愈者宜之

羅大利膈丸治風痰實喘咳嗽風氣上攻

牽牛四兩 生用 半夏湯洗 木香錢五 青皮去白 二兩

槐角 檳榔 大黃各三錢 皂角去皮 酥炙

各三兩

右為細末生姜麩為丸每服五十九生薑湯下

丹墜痰丸治痰飲

枳實 枳殼一兩 半 明礬三錢 枯 朴硝三錢 風化

猪牙皂角二錢 酒炒 黑牽牛半斤 取頭末

右為末蘿蔔子汁為丸每服四十九雞鳴時服初有糞

次有痰

右下痰用大黃牽牛有熱者宜之

世治久嗽痰積半夏二兩用江子五錢敲損同煮至半夏

無白心去江子不用杏仁一兩用烏梅半兩同煮去烏梅

不用止將半夏杏仁焙乾為末煉蜜丸如棗豆大量虛實

服服後下痰積

在腸 以麻沉 者宜



羅透羅丹治痰實咳嗽胸膈不利

皂角酥炙去皮 黑牽牛微炒 半夏湯洗各二兩 巴豆去油另研一錢

大黃一兩水浸焙用 杏仁麩炒去皮

右為細末生姜自然汁丸如桐子大食後生姜湯送下  
二十九咳嗽甚者三四服必效

丹治痰嗽喘

南星錢二 半夏 滑石錢各三 江子五粒去油

輕粉許少

右用皂角仁浸濃汁丸梧子大每服七十九

本治諸般痰嗽

半夏姜汁浸一宿 天南星各兩 白礬各半兩 焰硝錢二

杏仁去皮尖麩炒黃 青黛各半兩 猪牙皂角去黑皮并子各半兩

巴豆廿一粒去殼生用

右一處為末姜糊丸如菉荳大每服七丸臨臥姜湯下

小兒五丸

丹青金丸治食積火鬱嗽

貝母 知母各半兩 巴豆霜五分

右為末姜汁丸青黛為衣

右下痰用巴豆有寒者宜之前一方但借巴豆之氣虛人亦可服

潔欬氣丸治久嗽痰喘肺氣浮腫

青皮 陳皮 檳榔 木香

杏仁 茯苓 郁李仁去皮 川歸

廣茂 馬兜零炮 葶藶各三錢 人參

防已各四錢 牽牛頭末二兩半

右為細末姜汁麩糊丸如桐子大每服二十九加至七

十丸食後姜湯送下



羅紫參散治肺氣虛咳嗽喘急胸膈痞痛脚膝微腫

人參二錢

蛤蚧一對

白牽牛炒

甜葶藶炒

木香

苦葶藶炒

檳榔各五錢

右為末用熟棗肉丸每服四十九丸煎人參湯下食後

右下痰用檳榔木香佐牽牛葶藶郁李仁久嗽面浮足

腫者宜之

孫兆視雷道矩病吐痰頃間已及一升喘咳不已面色鬱

黯精神不快兆與服仲景葶藶大棗湯一服訖已覺胸中

快利畧無痰唾矣

本治氣喘咳嗽

大黃

葶藶一兩淨

右為末煉蜜丸如桐子大每服五七十九丸桑白皮湯下

右下痰用葶藶為效極速虛人忌用

仲咳家其脉弦為有水十棗湯主之 有支飲家欬煩胸

中痛不卒死至一百日或一歲宜十棗湯

丹伯温年近四十滋味厚素患咳嗽有痰與通神九神木

丸和勻食前生姜湯下五六十九丸後以津嚥小胃丹十五

丸日服六服

右十棗湯下痰仲景法也虛人審之丹溪變十棗為小

胃丹而少服徐徐法也

脉欬而時發熱脉卒弦者非虛也此為胸中寒實所致也

當吐之咳家其脉弦欲行吐藥當相人強弱而無熱乃可

吐之其脈沉者不可發汗

子和稀涎散 三聖散 仲景瓜蒂散已上三方並見治法門

右吐熱痰法輕者但用芎茶梔仁蘿蔔子姜汁入酸齏

汁探吐之

痰在胸膈脈浮吐弦者宜



局碧霞丹

方見治法門

本治遠年近日哮喘妙方

砒

麩

海螵蛸各一錢

右三味為末水調作餅子慢火炙黃再研令細每服一字用井花水調一大呷空心服良久吐出為度小兒加減與之忌食毒物

右吐寒痰法丸用藜蘆瓜蒂吐不透者用附尖神效

吐下兼施

子和常仲明病寒熱往來時咳一二聲面黃無力懶思飲食夜多寢汗日漸瘦削諸醫作虛損治之用二十四味燒

肝散麻茸牛膝補養二年口中痰出下部轉虛戴人斷之

曰上實也先以涌劑吐痰二三升次以柴胡飲子降火益

水不月餘復舊此症何名乃經中云二陽病也二陽之病

發心脾不得隱曲心受之則血不流故女子不月脾受之

則味不化故男子少精此二症名異而實同仲明之病味

不化也 馳口鎮一男子年二十餘歲病勞嗽數年其聲

欲出不出戴人間曾服藥否其人曰家貧未嘗服藥戴人

曰年壯不妄服藥可治先以苦劑涌之次服舟車瀉川丸

大下之又服重劑果瘥 一田夫病勞嗽一涌一泄已減

大半次服人參補肺湯臨臥更服檳榔丸以進食

右吐下兼施以攻其痰也

劫痰

本治勞嗽

青黛三錢

辰砂

雄黃

白礬

信各一錢  
生用

右並為末淡豆豉一百粒湯浸去殼研如膏入前五味

丸如桐子大每服一丸臨臥冷茶清下

治遠年近日喘嗽



蟬蛻一兩去頭足 五靈脂生 砒生 雄黃生

杏仁去皮尖輕粉各五錢 淡豆豉四十粒 馬兜零生一兩

右研除出輕粉另研餘為末用生姜葶藶自然汁合輕粉諸藥為丸如小彈大每服一九臨臥細嚼生薑湯送下

右用信劫痰例蓋為寒濕痰設也

運氣 運氣咳有二

一日火經云少陽司天之政初之氣候乃大溫其病氣拂於上欬逆二之氣火反鬱白埃四起其病熱鬱於上欬逆三之氣炎暑至民病咳終之氣風乃至其病陽氣不蔽而咳是也

二曰燥熱經云少陰司天之政水火寒熱持於氣交民病咳喘三之氣大火行寒氣時至民病咳喘此上熱下燥為

咳喘也終之氣燥令行餘火內格咳喘此外燥包熱在內咳喘也

雜方 本治諸嗽久不瘥貝母湯

貝母一兩去心姜制 黃芩兩半 乾姜生一兩 五味子

陳皮各一兩 桑白皮兩半 半夏 柴胡

桂心各一兩 木香 甘草各一分

右為粗末每服五錢水一盞半加杏仁七箇去皮尖生薑七片煎去渣熱服有姓蔣者其妻積年嗽制此方授之一服瘥以治諸般嗽悉愈

右方有寒有熱有收有散諸嗽通用也

蘇臍 素黃帝問曰肺之令人欬何也岐伯對曰五臟六腑皆令人欬非獨肺也帝曰願聞其狀岐伯曰皮毛者肺之合也

皮毛先受邪氣邪氣以從其合也此邪從外受之王註云邪謂寒氣 其寒



飲食入胃從肺脉上至於肺則肺寒寒邪從外受也肺寒則外內

合邪因而客之則為肺欬所謂肺先受邪也五臟各以其時受病

王註云時謂王月也非其時各傳以與之人與天地相參故五臟各

以治時肝治春心治夏脾治長夏秋治腎治冬也感於寒則受病微則為欬

甚則為泄為痛乘秋則肺先受邪乘春則肝先受之乘夏

則心先受之乘至陰則脾先受之乘冬則腎先受之帝曰

何以異之岐伯曰肺欬之狀欬而喘息有音甚則吐血取

淵穴也心欬之狀欬則心痛喉中介介如梗狀甚則咽腫喉

痺取太陵穴也肝欬之狀欬則兩脇下痛甚則不可以轉轉則

兩胛下滿取太衝穴也脾欬之狀欬則右脇下痛陰陰引肩背

甚則不可以動動則欬劇取大白穴也腎欬之狀欬則腰背相

引而痛甚則欬涎取大溪穴也帝曰六腑之欬奈何安所受

病岐伯曰五臟之久欬乃移於六腑脾欬不已則胃受之

胃欬之狀欬而嘔嘔甚則長虫出取三里穴也肝欬不已則膽

受之膽欬之狀欬嘔膽汁取陽陵泉穴也肺欬不已則大腸受之

大腸欬狀咳而遺矢取巨虛上廉也心欬不已則小腸受之小腸

欬狀欬而失氣氣與欬俱失取巨虛下廉也腎欬不已則膀胱

受之膀胱欬狀欬而遺溺取委中穴也久欬不已則三焦受之

三焦欬狀欬而腹滿不欲食飲此皆聚於胃關於肺使人

多涕唾而面浮腫氣逆也取支溝穴也帝曰治之奈何岐伯曰

治臟者治其俞治腑者治其合浮腫者治其經見欬論

針灸

丹治嗽灸天突肺俞二穴泄火熱瀉肺氣

嗽灸兩乳下黑白際各百壯即瘥又以蒲當乳頭周匝

圍身令前後正平當脊骨下解中灸十壯又以繩橫量口

中折繩從脊灸繩兩頭邊各八十壯三報三日畢兩邊者

是合度



**玉治咳嗽**

身柱三分瀉 至陽三分補三呼不肺膈寸一分沿皮

瀉六吸寒痰紅痰 又法 風門外一分沿皮向

**心** 咳嗽喘滿氣急不食容顏黧黑鼻流清涕 風門向外

二寸半 巨闕分瀉之三 太淵五分 期門平 下腕

五分 瀉之 中腕三寸 絕骨熱妙穴也 支

溝透間使兩脇 脹滿妙穴也

婦人咳嗽寒熱往來風寒嘔逆勞疸中滿喘急

風門沿皮一寸半 太淵五分治 中腕三寸治嘔逆

絕骨 曲池 各一寸半治寒 間使透支溝滿中

**甲** 欬逆上氣舌乾脇痛心煩肩寒少氣不足以息腹脹喘

尺澤主之 咳乾嘔煩滿俠白主之 欬上氣喘不息得

暴痺內逆肝肺相搏鼻口出血身脹逆息不得臥天府主

之 欬逆上氣喘不得息嘔吐胸滿不得飲食輸府主之

欬逆上氣涎出多吐呼吸喘悸不得安或中主之 胸

滿咳喘不得息嘔吐煩滿不得飲食神藏主之 欬逆上

氣魄戶及氣舍主之 欬逆上氣譫譖主之 胸脇痞滿

不得俛仰飲食不下咳唾沫膿周榮主之 欬而泄不欲

食者商丘主之 凄凄寒咳吐血逆氣入心痛手陰郄主

之 欬而胸滿前谷主之 欬逆上氣吐沫天容及行間

主之 欬逆不止三焦有水氣不能食維道主之 欬面

赤熱支溝主之 欬逆上氣咽喉癰腫呼吸短氣喘息不

通水突主之 欬上氣喘暴瘖不能言及舌下挾縫

青脈頸有大氣喉痺咽中乾急不得息喉中鳴翕翕寒熱

項痛肩痛胸痛腹皮熱衄氣短鯁心痛隱疹頭痛面皮赤

熱身肉盡不仁天突主之 欬逆上氣喘不能言華蓋主



之

診

成無已云欬者聲欬之欬俗謂之嗽者是也肺主氣形寒飲冷則傷之使氣上而不下逆而不收衝擊膈咽令喉中淫淫如痒習習如梗是冷嗽甚者續續不已連連不息坐臥不安言語不竟動引百脈咳聲聞四近矣警枯鼎切咳聲也

**丹** 肺痿欬唾咽燥欲飲水者自愈自張口者短氣也

**仲** 人嗽十年其脉弱者可治實大數者死其脉虛者必苦

冒其人本有支飲在胸中故也治属飲家 上氣面浮腫

肩息其脉浮大不治又加利尤甚 脈浮短者其人肺傷

諸氣微少不過一年死法當嗽也 欬嗽羸瘦脈形堅大

者死

欬而脫形身熱脉小堅急以疾是逆也不過十五日死全

診見

**脈** 上氣脉數者死謂其形損故也 欬嗽脉沉緊者死浮

直者生浮軟者生小沉伏匿者死

**丹** 欬嗽口燥咽乾有痰不用半夏用瓜蒌貝母飲水者不

用瓜蒌恐泥膈不快

忌

乾咳嗽

乾咳嗽者無痰有聲是也此症本於氣濇濇微者連咳十

數聲方有痰出濇甚者雖咳十數聲亦無痰出是為乾咳

嗽也

開鬱補陰

**丹** 乾咳嗽極難治此係火鬱之症乃痰鬱其火邪在中用

苦桔梗以開之下用補陰降火之劑不已即成勞倒倉法

好此不得志者有之宜用補陰方四物湯加竹瀝炒栢之類



氣滯

**海**甘桔湯此仲景少陰咽痛藥也孫真人治肺癰吐膿血

用生甘草加減二十餘條其桔湯方用桔梗三兩甘草一兩白朮煎服

欬逆氣者加陳皮 欬嗽者加貝母知母 欬發渴者

加五味 吐膿血者加紫苑 肺痰者加阿膠 面目

腫者加茯苓 嘔者加生姜半夏 少氣者加人參麥

冬 膚痛者加黃芪 目赤者加梔子黃連 咽痛者

加鼠粘子竹茹 聲不出者加半夏桂枝 疫毒頭腫

者加鼠粘子大黃芒硝 胸痛膈不利者加枳殼 心

胸痞者加枳實 不得眠者加梔子 發狂者加防風

荊芥 酒毒者加葛根陳皮

實熱不降

一中年婦人乾欬寸脉滑動似荳狀餘皆散大不浮左大

於右每五更心躁熱有汗但怒氣則甚與桔梗不開諸藥

不效遂以石膏香附為君芩連青黛門冬瓜萎實陳皮炒

雜方

栝歸梗為臣五味砂仁川芎紫苑佐之凡二十餘貼而安

潔古蜜煎生姜湯蜜煎陳皮湯與燒生姜胡桃方皆治無

痰而嗽者以辛甘潤其肺也如但使青皮藥皆宜去白本

草云陳皮味辛理上氣去痰氣滯塞青皮味苦治下氣二

味俱用散三焦氣也故聖惠法治云陳皮去穰穰不除即

生痰麻黃發汗節不去則止汗

**本**補肺法

地黃二斤生杏仁二兩 生姜

右搗如泥入瓦盆中置飯上蒸五七度每五更挑三匙

白蜜一斤 生薑二斤 取汁

右二味先秤銅鈔知斤兩訖納蜜復秤如數次納姜汁

**千**治久嗽方

嚥下



喉如軒  
聲為虛

以微火煮令姜汁盡惟有蜜斤兩在則止且服如棗大  
含一九日三服忌一切雜食

咳嗽喉中作聲

一男子五十餘歲病傷寒咳嗽喉中聲如駒與獨參湯一  
服而軒聲徐至二三貼欬嗽亦漸退凡服二三斤病始全  
愈

**梅**治久患嘔呷咳嗽喉中作聲不得眠取白前搗為末溫

酒調二錢七衍義云白前  
保定肺氣

喉如水  
雞聲為  
實

**仲**欬而上氣喉中水雞聲射干麻黃湯主之

射干三兩

麻黃

生姜各四兩

細辛

紫菀

欬冬花各三兩

大棗七枚

五味子

半夏各半升

右九味以水一斗二升先煮麻黃兩沸去上沫納諸藥

煮取三升分溫三服

**干**白前湯欬逆上氣身體浮腫短氣腫滿且夕倚壁不得  
臥喉中水雞鳴

白前

紫菀

半夏

大戟各三兩

右咬咀以水一斗浸一宿明日煮取三升分三服

肺逆

**素**陰爭於內陽擾於外魄汗未藏四逆而起起則熏肺使  
人喘鳴陰陽別論起居如故而息有音者此肺之絡脉逆也

脉絡不得隨經上下故留經而不行絡脉之病人也微故  
起居如故而息有音也逆調論

針灸

督脉生病其上氣有音治其喉中央在缺盆中者天突其  
穴也其

病上衝喉者治其漸漸者上俠頤也正註謂  
天迎穴

**甲**咳喉中鳴唾血大鍾主之 胸脇支滿不得俛仰癢癢  
欬逆上氣咽喉喝喝有聲太溪主之 咳逆上氣咽喉喝



喘息挾突主之

暴嗽

熱 千治暴熱嗽方

杏仁

紫蘇子一升

陳皮一兩

柴胡四兩

右咬咀以水一斗煮三升分三服

山暴嗽白蜆殼洗淨研細粥飲下

本治暴嗽

砒霜一錢

白礬一兩飛過細研

右先將砒霜安放茶盞內却將白礬末鋪蓋火煨為末烏梅肉丸如菘荳大朱砂為衣每服二丸紫蘇湯下

千治暴嗽百部藤根搗自然汁和蜜等分沸煎成膏嗽之

久嗽

丹肺受風寒久嗽非此不能除南星欵花鷺管石佛耳草雄黃為末拌艾以姜一厚片雷舌上次用艾上燒之須令

風寒 宜薰

煙入喉中一方無佛耳草有鬱金 又方鷺管石雄黃各

一分半另為末欵花佛耳草各一分半另為末却用紙一

幅方方闊四五寸以鷄子清塗其中央四旁各懸一寸許

不塗然後以鷺管石雄黃摻於鷄子清上又以欵花佛耳

草末摻其上覆之又以一箭筋從不塗紙旁捲起為一紙

筒用糊粘牢其旁抽箭筋出焙乾用時將一紙筒含在口

一頭火燒以口吸煙令滿嚥之嚥至燒筒盡為度却喫茶

二三口壓之

霍療久嗽薰法每日取欵花好鷄子少許蜜拌花使潤納

一升鐵鑊中又用一瓦碗鑽一孔孔內安小竹筒或筆管

亦得其筒稍長置碗鑊相合及插筒處皆麩糊塗之勿令

泄氣鑊下着炭火少時欵冬煙自竹管出以口含筒吸取

嚥之如胸中稍悶須舉頭即將指頭捻竹筒頭勿令漏煙



痰

氣出及煙盡止凡如是五日一為之至六日則飽食羊肉  
餽鈍一頓永瘥瓶一法不用鑑梳用有嘴瓦瓶燒藥蓋住  
瓶口却以口於瓶嘴吸煙咽之尤捷

枳殼炒三兩

桔梗兩

黃芩一兩

右為細末每早取二兩半水三盞煎至一盞日作三服  
午時一服中時一服臥時一服三日七兩半服盡又服  
半夏湯

生半夏湯用半夏姜制切片每三錢半水盞半姜五片煎  
至一盞食後服一日二三服二三日服了再服枳殼丸盡  
其痰為度論曰先消胸中痰氣後去膈上痰再與枳木丸  
謂首尾合治盡消其氣令痰不復作也

丹久嗽丸子

海蛤粉細研

膽星臣

杏仁臣

訶子佐

青黛佐

阜角莢使

右為末姜汁丸如桐子大姜湯下

久嗽乃積痰久留肺腕粘滯如膠氣不能升降或挾濕與  
酒而作

香附童便

姜蚕炒

海蛤粉

瓜蒌仁

蜂房

杏仁

姜汁

竹瀝

神麩各等分

右為末蜜調噙化

謝老人形實夏月無汗成久嗽痰

半夏製

紫蘇葉各一兩

右二味入莎末蜆殼末神麩末以瓜蒌穰桃仁半兩和

丸先服三拗湯三貼方服此丸子

男子五十歲舊年因暑月入冷水作勞患瘡後得痰嗽次



年夏末得弦脉而左手虚叩之必汗少而有痰身時時發熱痰如稠黃膠與下項方藥仍灸大椎風門肺俞五處

半夏一兩 白朮七錢 茯苓六錢 黃芩

陳皮 桔梗 枳殼 石膏煨各半兩

僵蚕炒二錢半 五味子一錢半

右用神麩糊丸姜湯下三十九丸先與三拗湯加黃芩白朮二貼夜與小胃丹十丸以攪其痰

潔古欵氣丸治久嗽浮腫 羅氏紫參散用蛤蚧衍義云

蛤蚧治久嗽有功

實者下之吐之

馬兜鈴丸治多年喘嗽不止大有神功

馬兜鈴去土 半夏湯洗七次焙乾 杏仁去皮尖麩

巴荳二十一粒去皮油研

已上除巴荳杏仁另研外餘為細末用皂角膏子為

如桐子大雄黃為衣每十九丸臨臥煎烏梅湯下以利為

度

干治三十年咳嗽或飲或咳寒氣嗽雖不同悉治之

細辛 欵冬花 防風 紫苑各三兩

藜蘆二兩 川椒五合

右六味咬咀取藜蘆先着銅器中次紫苑次細辛次欵冬花次椒以大棗百枚間在諸藥中以水一斗二升微火煮令汁盡出棗曝令燥鷄鳴時服半棗不知明旦服一枚以胸中温温為度若強人欲嗽吐者可少增服之便吐膿裹結痰吐後勿冷飲食咳愈止藥藥勢靜乃食不爾令人吐不已

治久嗽不瘥方

兔屎四十九粒 礞砂一分 胡桐淚一分



雜方

右三味為末蜜和丸如桐子大每服三丸以粥飲下日  
三吐冷物盡即瘥

五蛤蚧丸治久嗽方見陽虛效條又方衍義治久欬膿血胸膈

噎痛蛤蚧阿膠生犀角鹿角膠羚羊角各一兩除膠外皆

為屑次入膠河水三升煮半升臨臥細呷愈詳見效血療三

十年嗽以百部根二十斤擣絞取汁煎之如飴服方寸七

日三服驗

百一治久咳嗽上氣十年諸藥治不瘥方以蝙蝠除翅足

燒令焦為末飲服之

妊娠嗽

雲馬兜鈴散治妊娠胎氣壅塞欬喘急

馬兜鈴

桔梗

人參

甘草

貝母各五錢

陳皮去

大腹皮

桑白皮

紫蘇各一兩

五味子五錢

右咬咀每服四錢姜三片水煎

麻黃散治妊娠外傷風冷痰逆咳嗽不食

麻黃去節

陳皮去

前胡各一兩

半夏洗

人參

白朮

枳殼

貝母

甘草各半兩

右咬咀每服四錢葱白五寸姜三片棗一枚水同煎

紫苑湯治妊娠咳嗽不止胎不安

紫苑

天門冬各一兩

桔梗半兩

甘草

杏仁

桑白皮各二錢半

右咬咀每服三錢竹茹一塊水煎去查入蜜半匙再煎

二沸溫服

天門冬去心

貝母

人參

甘草



桑白皮

桔梗

紫蘇各半兩

赤茯苓二兩

麻黃去節七錢半

右咬咀每服四錢姜三片水煎

卷之二十六

醫學綱目卷之二十七

肺大腸部

喘

喘不得臥

產後喘

短氣

少氣

大法

丹凡治嗽

未發以扶正氣為要

已發以攻邪氣為主

嘗治一中年男子久嗽每發時不食數日聲撼四鄰百

治不効脈寸沉沉伏關滑遂於未發時用人參白朮當歸地

黃以姜汁制之瓜蒌實陳皮茯苓黃芩黃連乾姜些少煎

湯下青礞石丸將發時先用神秘沉香丸下之次與前藥

中加杏仁枳實蘇葉倍瓜蒌實煎服一月後証減十分之

八後遂守此方漸安凡治數人皆以此法加減治之皆得

大効 氣虛短氣而喘有痰亦短氣而喘不可用苦寒之

藥火氣盛故也宜導痰湯加干縉湯 陰虛自少腹下火

起衝於上而喘者宜降心火補陰 有火炎上者宜降心

火清肺金 有痰者宜降痰下氣為主 上氣喘而躁者



為肺脹欲作風水症宜發汗則愈 有陰虛挾痰喘者四  
物湯加枳殼半夏補陰降火 諸喘不止者用椒目研極  
細一二錢生姜湯調下劫之氣虛不用 又法用蘿蔔子  
蒸熟為君皂角燒灰等分為末姜汁加煉蜜丸如小荳大  
每噙化五七十九劫止之後因痰治痰因火治火 氣虛  
者用人參蜜炙黃栢麥冬地骨皮之類 氣實人因服黃  
芪過多而喘者用三拗湯以瀉氣若喘甚者須用阿膠  
若久病氣虛而發喘者宜阿膠人參五味補之 新病氣  
實而喘者宜桑白皮苦葶藶瀉之 治哮喘主于痰宜吐  
法不可用涼藥必帶表散

虛實喘  
而自汗  
者宜補  
氣

**垣**肺脹膨膨而喘咳胃膈滿壅盛而上奔者於隨証用藥  
方中多加五味子人參次之麥門冬又次之黃連少許  
如甚則交兩手而醫者真氣大虛也若氣短加黃芪五味

子人參氣盛去五味子人參加黃芪荆芥穗冬月去荆芥  
穗加草薺薏仁

**仲**火逆上氣咽喉不利止逆下氣宜麥門冬湯主之

麥門冬升七 半夏升一 人參兩四 甘草兩二

粳米三 大棗十二

右六味以水一斗二升煮取六升溫服一升日三夜一  
服

**保**天門冬丸治婦人喘嗽手足煩熱骨蒸寢汗口乾引飲  
面目浮腫

天門冬十兩 麥門冬八兩 生地三斤  
去心 去心 汁為膏

右三味為細末膏子為丸如桐子大每服五十九逍遙  
散下逍遙散須去甘草加人參或與王氏博濟方人參  
荆芥散亦得如面腫不已經日面腫因風故宜汗麻黃



桂枝可發其汗後與柴胡飲子去大黃欬論曰治臍者治其膈治腑者治其合浮腫者治其經治膈者治其土也治合者亦治其土也如兵圍魏救趙之法也

**本治欬嗽上氣喘急**以人參一味為末鷄子清投新水調下一錢昔有二人同走一含人參一不含俱走三五里許其不含者大喘含者氣息自如此乃人參之力也

右用門冬五味人參三味為主治肺虛或自汗或少氣而喘蓋聖藥也

予治一婦人五十餘歲素有痰嗽忽一日大喘痰出如泉身汗如油脈浮而洪似命絕之狀予適在彼速用麥門冬四錢人參二錢五味一錢五分煎服一貼喘定汗止三貼後痰亦漸少再與前方內加瓜蒌仁一錢五分白朮當歸芍藥黃芩各一錢服二十餘貼而安此實麥門冬五味人

喘而無汗者宜發表

參之功也如自汗兼腹滿脈沉實而喘者裏實也宜下之上氣喘而躁者屬肺脹欲作風水發汗則愈欬而上氣此為肺脹其人喘目如脫狀脈浮大者越婢加半夏湯主之

麻黃六兩

石膏半斤

生姜三兩

大棗十五枚

甘草兩一

半夏半升

右六味以水六升先煮麻黃去上沫內諸藥煮取三升分溫三服

**丹七**三喘喘遇冬則發此寒包熱也解表則熱自除

枳殼三錢

麻黃

防風

黃芩

桔梗各二錢

陳皮

木通

一錢半通利九竅治肺壅甚當

紫蘇五葉

右分四貼煎取小半盞熱飲之



治寒包熱而喘必用發散

半夏

枳殼炒

桔梗

黃芩炒

紫蘇

麻黃

杏仁

甘草

如天寒加桂枝

女子十二歲自小喘嗽

白朮

陳皮

青皮錢五

麻黃

茯苓

木通

片苓錢三

蒼朮

桔梗錢二

乾姜錢一

甘草分五

一男子年一十四歲哮十日則發一遍此疾在上焦不得

汗洩正當九月十月之交宜溫散仍與小胃丹佐之溫散

加

麻黃

黃芩

每貼用一錢半入姜汁研細末以水盞半煎去渣飲之

每夜臨臥時與小胃丹十二粒津下之

仲肺脹欬而上氣煩躁而喘脈浮者心下有水小青龍加

石膏主之

麻黃

芍藥

枝枝

細辛

甘草

乾姜各三錢

五味子

半夏各半升

石膏兩二

右九味以水一斗先煮麻黃去上沫內諸藥煎取三升

強人服一升羸者減之日三服小兒服四合

因麻黃定喘湯小兒寒鬱喘喉鳴腹內鳴堅滿鼻流清涕

脈沉急而數

麻黃

草薺

益智仁各一兩分半

甘草

歸身

紅花

黃芩生

柴胡稍分

升麻

神麩各五分

吳茱萸分二



蘇木分半 全蝎個一

右咬咀分二服水二大盞煎至七分去香稍熱服食後忌風寒微微有汗効

麻黃蒼朮湯治秋暮冬天每夜連聲嗽不絕大喘至天明日高方緩口苦兩脇下痛臥而多驚筋攣肢節痛痰吐涎沫日晚呵欠不能飲食

柴胡根 羌活根 蒼朮各五分 麻黃分一

防風根 甘草根生 歸稍 黃芩各四分

熟甘草分三 五味子分九 草苳蔻分六 黃芪分一錢

右分二貼水煎去查稍熱服臨臥

右發表治喘前五方發寒包熱也後三方發外中皆寒也

四磨湯治七情鬱結上氣喘急

人參 檳榔 沉香 天台烏藥

右四味各濃磨水取七分煎一二沸放溫服加木香枳殼為六磨湯有苦寒者加丁香桂亦可衍義云烏藥檳榔氣少走泄多但不甚剛猛與沉香同磨作湯治胃中氣膈甚當

右解鬱治喘

汗後不愈方

丹 一婦人與前方發熱得汗而喘定夜半進少稀粥喘再作心痞口乾與下方

半夏 枳實炒三錢 黃連 白朮二錢

木通 陳皮各一錢半 麻黃 紫蘇各一錢

甘草五分

右咬咀姜水煎服若陰虛痰喘急者補陰降火四物加枳殼半夏

脈澁數者陰虛



平江洗伯寧家豐好肉厚味每年到四月九月內必發氣喘擡肩吐痰脈沉澁而細數諸醫用平肺之藥數年不愈如此者六七年用人參生地黃膏和當歸牛膝肉蓯蓉枸杞子五味子知母黃栢天門冬玄參末為丸如桐子大每服百丸空心服以救肺虛又用阿魏黃連山查沉香牛黃辰砂膽星陳皮神麩糊為丸如桐子大臨卧姜湯下三四十九丸治厚味服訖復用瓊玉膏一劑繼服之而安瓊玉膏方見勞

治哮亦治積鷄子略敲損殼不損膜浸尿缸內三四日臨夜煮食海藏本草云陰不足者補之以味

腹滿脈沉實者裡實

羅喘則肺實 巳未八月中霖雨不止時承上命治不憐吉及元帥夫人年踰五十身軀肥盛因飲酒及潼乳過腹脹喘滿聲聞舍外不得安臥大小便澁滯氣口脈大兩倍於人迎關脈沉緩而有力予思霖雨之濕飲食之熱濕熱

大盛上攻於肺神氣躁亂故為喘滿邪氣盛則實實者宜下之故制平氣散以下之

- 白牽牛 二兩半生牛熟 只取頭末一兩
- 青皮 去白
- 枳榔 各三錢
- 陳皮 去白 半兩
- 大黃 七錢

內經曰肺苦氣上逆急食苦以泄之故以白牽牛苦寒瀉氣分濕熱上攻喘滿故以為君陳皮苦溫躰輕浮理其肺氣青皮苦辛平散肺中滯氣為臣枳榔辛溫性沉重下痰降氣大黃苦寒蕩滌滿實故以為使

右為細末每服三錢煎生姜湯一大盞調下無時一服減半再服喘愈止有胸膈不利煩熱口乾時時咳嗽再與加減瀉白散

- 桑白皮 去兩
- 地骨皮
- 知母
- 陳皮
- 青皮 各去
- 桔梗 去芦各五錢
- 黃芩 細剉
- 甘草 各三錢



右件剉如麻荳大每服五錢水二大盞煎至一盞去查  
 温服食後數服良愈華陀云盛則為喘減則為枯活人  
 云發喘者氣有餘也凡看文字須要會得本意盛而為  
 喘者非肺氣盛也喘為氣有餘者亦非肺氣有餘也氣  
 盛當認作氣衰有餘當認作不足肺氣果盛又為有餘  
 當清肅下行而不喘以其火入于肺衰與不足而為喘  
 焉故言盛者非言肺氣盛也言肺中之火盛也言有餘  
 者非言肺氣有餘也言肺中之火有餘也故瀉肺以苦  
 寒之劑非瀉肺也瀉肺中之火實補肺也用者不可不  
 知

**羅** 槐角利膈丸治風勝痰實胸滿及喘滿咳嗽

皂角 一两酥炙  
去皮弦子

半夏

槐角 炒各  
半兩

牽牛 一两  
半

右同為細末生姜汁麩糊丸如桐子大每服三十九食  
 後生姜湯送下

定喘餅子神驗

芫花 醋浸一宿炒

桑白皮 炒

吳茱萸 炒

馬兜鈴

陳皮 去白各一两

寒食麪 三兩

白牽牛

三兩半生半炒  
取頭末二兩

右為末和勻滴水丸如櫻桃大捏餅子取熟灰半碗在  
 鍋內同炒餅子熟每夜服一餅嚼爛煎馬兜鈴湯下如  
 患人心頭不快加上一餅或兩餅至微明利下神効婦  
 人有胎不可服

洞虛子神秘沉香丸下痰喘 方見痰  
飲門

吐下後  
不愈方

仲膈間支飲其人喘滿心下痞堅面色黧黑其脈沉緊得  
 之數十日醫吐之不愈木防已湯主之虛者即愈實者三  
 日復發與不愈者宜木防已湯去石膏加茯苓硝湯主



之  
木防已三兩石膏十二枚如雞子大桂枝二兩  
人參四兩

右四味以水六升煮取二升分温再服  
木防已加茯苓芒硝湯方

木防已兩桂枝各二兩人參兩茯苓

芒硝  
右五味水六升煮二升去查內芒硝再微煎分温再服  
微利即愈

發時有痰吐出者化之

丹喘急有風痰者婦人大全千緡湯  
半夏七個炮製四片破之皂角去皮甘草炙各  
生薑如指大  
右用水一碗煮去半頓服一方不用甘草但用半夏末

一兩皂角去皮弦半兩生薑七片同入紗袋中水三升煎至一盞五分以手揉洗取清汁分作三服併服二服

効  
雲四七湯治痰涎咽喉中上氣喘逆甚効方見咽喉條即仲景治婦人曾

中如有多齒半夏厚朴湯  
保半夏丸治因傷風而痰作喘逆兀兀欲吐惡心欲倒

半夏兩枳榔錢三雄黃錢三  
右為末姜汁浸蒸餅為丸桐子大每服三十五丸姜湯

下小兒丸米大  
經定喘化痰猪蹄甲四十九個淨洗控乾每個指甲內入

半夏白礬各一字裝罐子內封閉勿令烟出火煨通赤去  
火毒細研入麝香一錢七有上喘咳嗽用糯米飲下小兒

五分至妙



發時有痰不出者開之

**簡**治喘急用桔梗一兩半搗羅為末童便半升煎取四合去查温服

凡治喘正發時無痰將愈時却吐痰者乃痰于正發之時閉塞不通而喘甚當于其時開其痰路則易安也宜此方桔梗之類及枳殼瓜蒌實杏仁蘇葉前胡等引出其痰候痰出喘退却調其虛實虛者補以參芪歸木實者瀉以沉香滾痰丸之類是也

**河**人參半夏丸化痰定喘方見欬喘予平日用此方治久喘未發時服此丸已發時用沉

香滾痰丸微下之累効

**世**火喘用白虎湯加瓜蒌仁枳殼黃芩神効

**保**雙玉散治痰熱而喘痰湧如泉

寒水石 石膏各等

右細末人參湯下三錢食後服

**傳**支飲不得息用葶藶大棗瀉肺湯主之方見肺癰此方効甚捷但虛人

服忌

**丹**紫金丹治哮喘遇冷發者用之

精猪肉三十兩 砒霜明亮者一兩研細

右將肉切如骰子大用砒末入肉內拌勻分肉為六分每分用紙筋黃泥包之用火烘令泥乾又用白炭火於無人處燬青烟出盡為度放地上一宿研極細用湯浸蒸餅丸如棗豈大用茶清吞下大人二十九小兒十九量虛實用之

哮喘遇冷則發者有二証

其一屬中外皆寒治法乃東垣參蘇温肺湯調中益氣加茱萸湯及此方紫金丹劫寒痰者是也 其二屬寒包熱治法乃仲景丹溪用越婢加半夏湯等發表諸方之類及

寒痰

熱痰



食積痰

預於八九月未寒之時先用大承氣湯下其熱至冬寒時無熱可包自不發者是也

**丹**清金丹治哮喘遇厚味發者用之

蘿菔子淘淨蒸令熟晒乾為末一兩

猪牙皂角火燒過以碗覆地上作灰

末三錢

右為末拌勻用姜汁浸蒸餅丸如蘿菔子大每服三十粒漫咽下一方劫喘用姜汁蜜煉丸桐子大每七八十丸噙下止之

**瑞**化痰丸快脾順氣化痰消食治久喘或作或止者甚妙

半夏洗

南星去皮膜

白礬

皂角切碎

生姜

右各一斤用水煮南星無白點為度揀去皂角不用將生姜切作片同半夏南星晒乾無日色火焙再加

青皮去穢

陳皮去白

紫蘇子炒

蘿蔔子炒

乾葛

杏仁去皮尖另研

神麩炒

麥蘖炒

山查

香附子去毛

右各半斤淨與前藥合和一處研為細末生姜汁浸蒸餅打糊為丸如桐子大每服五七十九臨卧食後茶湯送下

飲水多者滲之

**仲**病人飲水多必暴喘滿

**紫**白朮散治夏月飲冷酒生痰膈滿方見欬脾肺條

**丹**喘而心痛油炒半夏為末粥丸姜湯下三十九

哮喘必用吐法吐藥中用醋多不用涼藥

子和稀涎散方見治法門上實條

**世**治喘用古文錢七個鹽梅七個水一盞同浸二宿每服

一呷空心良久吐出惡痰而効

兼痛者燥之  
久嗽不  
已者吐  
之



寒熱  
肺痿心  
火刑肺

氣從小  
腹衝上  
者衝脈  
之火

肺受熱  
方

垣病機云諸痿喘嘔皆属于上辨云傷寒家論喘嘔以為  
火熱者是明有餘之邪中於外寒變而為熱心火太旺攻  
肺故屬於上又云膏粱之人奉養太過及過愛小兒亦能  
積熱于上而為喘咳宜以甘寒之劑治之脈經又云肺盛  
有餘則欬嗽上氣喘渴煩心胃滿短氣皆衝脈之火行于  
胃中而作也係在下焦非屬上也蓋雜病不足之邪起于  
有餘病機之邪自是標本病傳多說飲食勞役喜怒不節  
水穀之寒熱感則害人六腑皆由中氣不足其填脹腹滿  
咳喘嘔食不下皆以大甘辛熱之劑治之則立已今立熱  
喘寒喘二方于後

桑白皮錢一

知母分七

甘草分五

茯苓分四

地骨皮分五

天門冬分四

青皮分三

五味子分三

陳皮分三

人參分五

右咬咀只作一服水煎食後溫服如熱甚加黃芩四分

紫蘇葉半夏各五分

肺受寒  
方

參蘇溫肺湯治形寒飲冷則傷肺喘煩心胃滿短氣不能  
宣暢

人參

肉桂

甘草

木香

五味子

陳皮

半夏製

桑白皮

白朮

紫蘇葉各二兩

白茯苓兩一

右咬咀每服五錢水一盞半生姜三片煎至七分去渣  
食後溫服如冬寒每服不去節麻黃半分先煎去沫下

諸藥

丹溪補  
陰降火

喘有陰虛自小腹下火起而上者亦有痰火衝上者宜



四物湯加 青黛 竹瀝 陳皮入童便煎服

東垣分  
冬熱夏  
寒

**垣**調中益氣湯加減法方見治  
虛實條

如秋冬月胃脈四道為衝脈所逆并脇下少陽脈二道而反上行病名曰厥逆其証氣上衝咽不得息而喘息有音不得臥加茱萸五分或一錢湯洗去苦觀厥氣多少而用之如夏月有此証為大熱也蓋此証隨四時為寒熱溫涼宜以酒黃連酒黃栢酒知母各等分為細末熟湯丸如桐子大每服二百丸白湯送下空心服仍多飲熱湯服畢少時便以美食壓之使不得胃中停留直至下元以瀉衝脈之邪也大抵治飲食勞倦所得之病乃虛勞七損証也當用溫平甘多辛少之藥治之是其本法也如時上見寒熱病四時症也又或將理不如法或酒食過多或辛熱之食作病或寒冷之食作病或居

大寒大熱之處益其病當臨時制宜暫用大寒大熱治法而取効此從權也不可以得効之故而久用之必致夭橫矣黃帝針經曰從下上者引而去之上氣不足推而揚之蓋上氣者心肺上焦之氣陽病在陰從陰引陽宜以入腎肝下焦之藥引甘多辛少之藥使升發脾胃之氣又從而去邪氣於腠理皮毛也又曰視前痛者當先取之是先以繆刺瀉其經絡之壅塞者為血凝而不流故先取之而後治他病

加減瀉白散治陰氣在下陽氣在上咳嘔喘促

桑白皮兩一 青皮兩二 茯苓錢三 地骨皮錢七

甘草 陳皮 五味 人參各五

右咬咀每服四錢水一盞半入粳米數十粒同煎去渣溫服食後



行動則喘者亦衝脈之火

汚血

平居則氣平和行動則氣促而喘者亦衝脈之火予族兄六旬有餘素有喘証或唾吐血痰平居時則不喘稍行動則氣促喘急以黃栢知母滋腎丸空心服七八九其証大減此黃栢知母能泄衝脈之火者如此効也

**丹**治卒上氣喘鳴息便欲死者研韭汁飲一升瘥蓋韭去胃中惡血滯氣

**食**主上氣咳嗽胃膈妨滿氣喘薏仁二兩去皮尖以水一升研取汁和粳米二合煮粥食之

喘皆屬肺

諸氣憤鬱皆屬于肺全文見証○王註云憤謂憤鬱奔迫也

**簡**治肺氣喘嗽馬瘦鈴二兩只用裏面子去殼秋石半兩入碗內和勻慢火炒乾甘草一兩炙二味為末一錢水一

盞煎六分溫呷以藥末含嚥津亦得衍義云治肺氣愈

**垣**加減三奇湯治咳氣喘上氣痰涎喘促胃膈不利

桔梗 半夏 陳皮 甘草

青皮 杏仁 人參 五味子各等分

右咬咀每服四錢水二盞姜二片煎至一盞去渣通口食後服

**羅**紫參散治形寒飲冷傷肺喘促痰涎不得安卧

栗殼一兩蜜炒黃色 麻黃 桔梗 紫參

甘草炙 五味各五錢

右咬咀每服四錢水二盞姜三片同煎去渣食後服

**三**清金湯治男婦不拘遠近肺氣咳嗽上氣喘急喉中涎聲胃滿氣逆坐臥不安飲食不下

粟殼炙 人參 甘草各半兩 陳皮

茯苓 杏仁 阿膠炒 五味子

桑白皮 薏苡仁 紫蘇 百合



貝母吐 半夏麩 欬冬花各一兩

右咬咀每服五錢姜三片枣二枚烏梅一個水煎臨卧服

肺虛則少氣而喘經云秋脈者肺也秋脈不及則喘呼吸少氣而咳上氣見血下聞病音其治法則門冬五味人參之屬是也 肺痺肺積則久喘而不已經云淫氣喘息痺聚在肺又云肺痺者煩滿喘而嘔是肺痺而喘治法或表之或吐之使氣宣通而愈也 難經又云肺之積名息賁在右脇下如杯久不已令人喘咳發肺癰治法則息賁丸能磨其積是也

胃喘

胃喘則身熱而煩經云胃為氣逆又云犯賊風虛邪者陽受之陽受之則入六府入六府則身熱不時卧上為喘呼又云陽明厥則喘而哕哕則惡人或喘而死者或喘而生者何也厥逆連臍則死連經則生是也哕王註謂熱內鬱而煩凡此胃喘治法宜加減白虎湯之類是也

腎喘

腎喘則嘔咳經云少陰所謂嘔咳上氣喘者陰氣在下陽氣在上諸陽氣浮無所依從故嘔咳上氣喘也東垣治以瀉白散是也

運氣

運氣喘者有三

一曰金助肺盛而喘經云歲金太過病甚則喘咳氣逆肩背痛又云歲金太過曰堅成堅成之紀其病喘喝胸憑仰息治以溫劑是也

二曰火攻肺虛而喘經云歲火太過炎暑流行肺金受邪民病少氣咳喘上臨少陰少陽咳喘息鳴又云少陰司天熱淫所勝病寒熱喘咳甚則肺脹大腹滿膨膨而喘咳又云少陰在泉熱淫所勝病氣上衝胃喘不能久立治以醎



寒是也

三曰風火為氣逆經云木太過曰發生發生之紀上微則其氣逆是也

針灸

靈黃帝曰衛氣之留於腹中播積不行死蘊不得常所使人肢脇胃中滿喘呼逆息者何以去之伯高曰其氣積于胃中者上取之積於腹中者下取之上下皆滿者傍取之黃帝曰取之奈何伯高對曰積于上瀉大迎天突喉中積於下者瀉三里與氣衝上下皆滿者上下取之與季脇之下一寸重者鷄足取之診視其脈大而弦急及絕不至者及腹皮急甚者不可刺也衛氣失常論○雞足取之者正足三爪也○東垣云大不可刺者宜灸也一則沉寒痛冷二則無脈知陽絕也三則腹皮急而陽陷也捨此三者餘皆不得灸若病在兩寸者及腹皮急甚者當從陰引陽取穴于腹募五臟病取五臟募六腑病取六腑募若病在兩尺脈者當從陽引陰取穴于背腧五臟病取五臟腧六腑病取六腑腧元氣病取六腑腧募筋骨有形病者取五腧

募其病不在天之陽不在地之陰在腹中者故取季脇下一寸元氣病取之右筋骨病取之左故在中者旁取之此其理也灸者認取之

靈黃帝曰刺節言振埃夫子乃言刺外經去陽病余不知其所謂也愿卒聞之岐伯曰振埃者陽氣大逆上滿於胃中憤瞋肩息大氣逆上喘喝坐伏病惡埃烟筒不得息請言振埃尚疾於振埃黃帝曰善取之何如岐伯曰取之天容黃帝曰其咳上氣窮喘胃痛者取之柰何岐伯曰取之廉泉黃帝曰取之有數乎岐伯曰取天容者無過一里取廉泉者血變而止帝曰善哉刺節真邪篇○餽于結反陽迎頭痛胃滿不得息取人迎寒熱篇○陽迎陽逆也膺中陷者與下胃動脈雜病篇刺灸喘滿有六法其一取陽氣上四節經文所言者是也

氣逆上刺



其二取肺經云肺手太陰之脈是動則病肺脹滿膨膨而喘咳缺盆中痛甚則交兩手而脅所生病者欬上氣喘渴煩心胃滿視盛虛熱寒陷下取之也又云邪在肺則皮膚痛寒熱上氣喘汗出欬動肩背取之膺中外膺背三節五椎之傍以手疾按之快乃刺之取之缺盆之中以越之又云肺病者喘咳逆氣肩背痛取其經太陰足太陽之外厥陰內血者王註謂內外之間是足少陰經也又云肺藏氣氣有餘則喘咳上氣瀉其經隧無傷其經無出其血無出其氣楊註謂經隧為列缺穴也又云氣亂於肺則俛仰喘喝接手以呼取之手太陰榮足少陰輸是也

其三取大腸經云腹中常鳴氣上衝胃喘不能久立邪在大腸刺盲之原巨虛上廉三里又云邪客手陽明之絡令人氣滿胃中喘息而支肘胃中熱刺手大指次指爪甲上去端如韭葉各一疇左取右右取左如食頃已是也

其四取腎經云腎病者喘咳身重寢汗出憎風取其經少陰太陽血者是也

其五取脾經云氣滿胃中喘急取足太陰大指之端去爪甲如韭葉寒則留之熱則痰之氣下乃止

其六取脾喘內經詳文與痺

**千**灸嗽兩乳黑白際二穴脊後三穴嘗灸族姪喘灸後一月喘發大吐痰一桶許而安見欬針灸條下

**玉**治喘哮 天突針入向上下五分瀉五吸 膻中三分三呼 旋璣三分  
氣海 膻府一寸半瀉六吸 乳根外一分沿皮向

**五**膈氣喘息不止 中皖八分 期門凡刺腹部氣虛人內息六七口下入

丹田開氣刺之



**集**哮喘灸刺上穴不愈者可選用之 **膏盲** **關元** **中**

**腕** **三里** **百勞** **腎腧**各灸之 **支溝** **大陵**

**東陽**哮喘諸穴選用之 **天容** **諶諶** **氣舍** **扶突**

**太白** **刺** **魄戶** **中府** **大包** **域中** **雲門** **石門**

**期門**各灸之

**惟穴** **氣喘** **乳中**在乳下肋中針入一分沿皮向後一寸半瀉之

**桑**哮喘 **興隆**三寸半

**潔**喘滿痰實口中如膠 **太谿**

**甲**喘少氣不足以息腹滿大便難時上走胃中鳴脹滿口

舌乾口中吸吸善驚咽中痛不可肉食善怒恐不樂大鍾

主之 **欬**腸下積聚而喘逆卧不安席時寒熱期門主之

**流注**氣促喘 **天牢**

**甲**喘逆艱衄肩甲內廉痛不可俛仰眇季脇引少腹而痛

**脹**噫嘻主之

**恠**穴婦人血弱氣喘 **氣中**在氣海旁一寸半針入二寸半先補後瀉

**成**喘者肺主氣形寒飲冷則傷肺故其氣逆而上行衝急

喝喝而息數張口擡肩搖身滾肚是為喘也

喘鳴肩息者脈實大也緩則生急則死全文見小兒喘○王註云緩謂縱緩

急謂弦急非來性之緩急也

**脈**上氣喘息低昂其脈滑手足溫者生脈濇四肢寒者死

**丹**哮喘必用薄滋味

凡下痰定喘諸方施之形實有痰者神効若陰虛而脈

浮大按之濇者不可下下之必反劇而死也

喘不得卧

凡喘而卧不得其脈浮按之虛而濇者為陰虛去死不遠

慎勿下之下之必死宜四物加童便竹瀝青黛門冬五味

診

忌

脈浮按之濇者忌下



感冒風寒者宜表散

枳殼蘇葉服之

胡安人年六十八惡寒發熱自四月來得痰嗽眠不得食少心膈痛口中連嗽五更頗甚

白木三錢

枳殼炒

黃連各二錢

芍藥二錢

片苓七錢

桔梗

蘇梗葉各一兩

木通五分

甘草此二

五味廿一

右入竹瀝煎服

一丈夫因病喘不可臥肺脈沉而澹此外有風涼濕氣遏內熱不得舒

黃芩

陳皮

木通各一錢半

麻黃

蘇葉

桂枝各錢

黃連

乾姜

甘草此二

開二教躰虛感寒發熱氣喘難臥

蒼朮

麻黃

白朮

片苓炒各五分

桂枝三分

半夏

枳殼各一錢

木通三分

甘草灸

右生姜二片同煎加研碎杏仁五個此方半夏為君必是吐痰多之人也

右解表三方前一方寒熱多者設後二方寒多者設

濁唾多痰者化痰

咳逆上氣時時濁唾但坐不得眠者皂莢丸主之用皂莢八兩刮去皮酥炙右一味為末蜜丸如桐子大以束膏和

湯服二十九日三夜一

女人年六十自來無汗多痰今得喘病眠不得曾與青州

白丸子

半夏兩半

枳殼炒四錢

桔梗

陳皮

木通

黃芩二錢

麻黃一錢半

紫蘇

防風各一錢

甘草灸五分



右分作五貼生姜三片水煎去渣入竹瀝兩蚶殼許熟飲

脈沉而大者行水

**索**夫不得臥則喘者是水氣之客也夫水者循經液而流也腎者水臟主津液主臥與喘也逆調論

**垣**神秘湯治病人不得眠眠則喘者水氣逆行上乘于肺肺得水而浮使氣不流通其脈沉大宜此治之

蘇葉 陳皮 生姜 桑白皮

人參各五錢 茯苓 木香各二錢

右咬咀水煎去渣大溫分二服

**仲**咳逆倚息不得卧小青龍湯主之方見傷寒○又云支飲亦喘不得臥加短

氣其脈平也 青龍湯下巴多唾口燥寸脈沉尺脈微手足厥

逆氣從小腹上衝胃咽手足痺其面翕然如醉狀因復下流陰股小便難時復冒者與茯苓桂枝五味子甘草湯治

其氣衝

桂枝去皮 茯苓各四兩 甘草炙三兩 五味子升

右四味以水八升煮取三升去渣分溫三服

衝氣即低而反更咳胃滿者用桂枝茯苓五味甘草湯去桂加乾姜細辛各三兩以治其咳滿 咳滿即止而更復

渴衝氣復發者以細辛乾姜為熱藥也服之當遂渴而渴

反止者為支飲也支飲者法當冒冒者必嘔嘔者復納半

夏半升以去其水於桂苓甘草五味湯中去桂加乾姜細辛半夏是也

水去嘔止其人形腫者加杏仁半升主之其証應內麻黃以其人遂痺故不納之若逆而納之必厥所以然者以其

人血虛麻黃發其陽故也用

茯苓四兩 甘草 乾姜 細辛各三兩

五味子 半夏 杏仁各半升 去皮尖



右煎去香温日三服

若而熱如醉此胃為熱所衝薰其面加大黃三兩以利之  
無真應散治遠年喘急不能眠百藥不効者

多年不  
已者墜  
痰

白石英

四兩通明者以生絹袋盛用雄猪肚一個以  
藥入內縫定者熱取藥出月換猪肚一個如

前法煮三次煮了  
取藥出晒乾研

右為末以官局欵冬花散二錢入藥末二錢再加桑白

皮二寸生姜三片束子一個水一盞半煎至七分通口

服猪肚亦可喫只不得用醬醋塩椒姜等調和

欵冬花一錢貝母知母桑葉杏仁半夏阿膠  
甘草各二錢麻黃去節四錢為粗末是也

**本**治多年肺氣喘急哮喘夕不得卧紫金丹

砒水飛  
半錢

碗荳好者二錢用水略潤少  
時以帛泥乾研成膏

右用膏子和砒同杵極勻丸如麻子大每服十五丸小  
兒量大小與之並用蠟茶清極冷吞下臨卧以知為度

有一親戚婦人患十年偏求醫者皆不効忽有一道人

貨此藥漫贖一服是夜減半數服頓愈遂多金而得此

方予屢用以救人時為神異

**素**不得卧而息有音者是陽道之逆也足三陽者下行今

陽明逆  
者息有  
音

逆而上行故息有音也陽明者胃脈也胃者六腑之海其

氣亦下行陽明逆不得從其道故不得卧也下經曰胃不

和則卧不安此之謂也

逆調論。千金白前湯治喉中水  
雞聲不得卧方見欵喉中作聲

感寒喘  
針灸

**甲**咳喘不得卧不得坐呼吸氣索咽不得曾中熱雲門主

之咳逆煩滿不得卧曾中滿喘不得息背痛太淵主之  
右針灸喘不得卧天突穴甚效予治數人皆中

產後喘

產後喘極危多死也



郭氏治產後喉中氣急喘促者因所下過多榮血暴竭衛氣無主獨聚肺中故令喘也此名孤陽絕陰為難治陳無擇云

宜大料芎歸湯一方用獨參湯尤妙若惡露不快散血停凝上薰手肺亦

令喘急但服奪命丹血去喘自定奪命丹方見前衣不下

**世**血竭散治產後敗血衝心胃滿上喘命在須臾宜服

真血竭如無紫礮代沒藥

右等分研細頻篩再研取盡為度每服二錢用童便合

好酒半大盞煎一沸溫調下方產下一服上床良久再

服其惡血自循經下行更不衝上免生百病

**雲**參蘇飲治產後血入於肺面黑發喘欲死者

人參一兩為末蘇木二兩

右以水兩碗煮取蘇木一碗以下去查調參末隨時加

減服神効

鬱發

**無**若因憂怒性理鬱發而喘者用小調經散以桑白皮杏

仁煎湯調服小調經散方見水腫

旋覆花湯治產後傷風寒咳嗽痰涎壅盛坐臥不寧

旋覆花 赤芍藥 荆芥穗 半夏麩

五味子 麻黃 茯苓 杏仁

甘草 前胡各等分

右咬咀每服四錢水盞半姜五片棗一枚煎七分去查

食前溫服

浦江吳輝妻孕時足腫七月初旬產後二月洗浴即氣喘

但坐不得臥者五個月惡風得煖稍寬兩關脈動尺寸皆

虛百藥不効用牡丹皮菔仁桂枝茯苓乾姜枳實厚朴桑

白皮紫蘇五味瓜蒌仁煎湯服之即寬二三服得臥其痰

如失蓋作汚血感寒治之也

表証



裡証

若傷醜冷飲食而喘者宜見現丸

姜黃

三稜

華澄茄

陳皮

良姜

人參

蓬朮分等

右為細末用蘿蔔浸煮爛研細將汁煮麩糊丸桐子大  
蘿蔔子湯下

短氣

短氣者氣短而急似喘非喘也詳見診條

仲平人無寒熱短氣不足以息者實也丹溪治白雲許先生脾疼騰短氣

用大吐大下者二十餘日凡吐膠痰一大桶如爛魚腸或如相油条者數碗而安詳見腹痛

孫正元散治氣不接續氣短兼治滑泄及小便數王丞相

服之有效蓬莪朮一兩金鈴子去核一分右件為末入鵬

砂一錢煉過研細和勻每服二錢薑湯或溫酒調下空心

服

垣胃滿少氣短氣者肺主諸氣五臟之氣皆不足而陽道

不行也 氣短小便利者四君子湯中去茯苓加黃芪以

補之如腹中氣不轉者更加甘草一半 肺氣短促或不

足者加人參白芍藥中焦用白芍藥則脾中陽升使肝膽

之邪不敢犯之 如衣薄而短氣則添衣於無風處居止

氣尚短則以沸湯一碗薰其口鼻即不短也法見調攝下同 如

厚衣於不通風處居止而氣短則宜減衣摩汗孔令合於

漫風處居止 如久居高屋或天寒陰濕所遏令氣短者

亦如前法薰之 如居周密小室或大熱而處寒涼氣短

則就風日凡氣短皆宜食滋味湯飲令胃氣調和

仲胃痺胃中氣寒短氣茯苓杏仁甘草湯主之橘枳姜湯

亦主之方見胃痺痛門 胃痺喘息咳唾胃背痛短氣括萎薤白

半夏湯主之方見胃痺痛門 大短氣有微飲當從小便去之苓

胸痺短氣

平人無寒熱為實 少氣小便數為虛



桂甘湯主之腎氣丸亦主之腎氣丸見勞瘵條欵花補肺湯治

咳嗽短氣方見咳嗽門氣虛條

苓桂朮甘湯

形腫節痛胃眩者為飲

茯苓四兩

桂枝

白朮

各三兩

甘草二兩

右四味以水六升煮取三升分溫三服小便則利

仲景論短氣皆屬飲此方苓桂朮甘湯是其一法也金匱云咳逆倚息短氣不得卧其形如腫謂之支飲又云支飲亦喘而不得卧加短氣其脈平也又云膈上有留飲其人氣短而渴四肢歷節痛脈沉者有留飲又云肺飲不弦但苦喘短氣其治法危急者小青龍湯脹滿者厚朴大黃湯胃眩者此方苓桂朮甘湯及澤瀉湯不得息葶藶大棗湯吐下不愈者木防已湯之類是也

針灸

**藥**短氣息短不屬動作氣索補足少陰去血絡也癲狂篇

**東**短氣房勞 二井 大椎 肺腧 肝腧 尺澤灸

**甲**短氣心痺悲怒逆氣狂易魚際主之

**成**短氣者短氣而不能相續者是已似喘而非喘若有氣上衝而實非氣上衝也喘者張口擡肩搖身滾肚謂之喘

也氣上衝者腹裡氣時時上衝也所謂短氣者呼吸雖數而不能相續似喘而不擡肩似呻吟而無痛者短氣也經

所言短氣者眾實為難辨之証愚師莫識之為治有誤者

多矣要識其短氣之真者氣急而短促謂之氣短者是也

脈寸口脈沉芤中短氣

仲陽脈微而緊緊則為寒微則為虛微緊相搏則為短氣

少氣

少氣者氣少不足以言也

素三陽絕三陰微是為少氣方盛衰論

虛

怯然少氣者是水道



不行形氣消索也示從容篇言而微終日乃復言者此奪氣也

全文見也診生死

臟腑

右少氣治法蓋生脈散獨參湯之屬是也

一陽發病少氣善咳善泄全文見診傳變

運氣

運氣少氣有二

一曰火熱經云火鬱之發民病少氣又云少陰之復少氣骨痠又云少陽之復少氣脈痿治以諸寒是也

二曰風濕經云太陽司天之政四之氣風濕交爭風化為雨民病大熱少氣是也

針灸

針灸少氣有三

一曰補肺經云肺藏氣氣不足則息微少氣補其經隧無出其氣又云肺虛則少氣不能報息耳聾嗑乾取其經太陰足太陽之外厥陰內血者是也

二曰補腎經云少氣身潔潔也言吸吸也骨痠躄懈惰不能動補足少陰是也累運合切

三曰補氣海經云膻中者為氣之海其輸上在于柱骨之上下前在于人迎氣海不足則氣少不足以言審守其輸調其虛實所謂柱骨之上者蓋天容穴也人迎者結喉兩旁之脈動處也乃取天容人迎二穴補之也

診

魚際絡青短者少氣也全文見陰陽

素脾脈搏堅而長其色黃當病少氣脈要精微論一呼脈一

動一吸脈一動曰少氣平人氣象論

尺堅大脈小甚少氣惋有加立死全文見診謂尺內堅而脈反小而少氣惋加也

善悲 妊娠善悲

悲屬肺經云在臟為肺在志為悲又云精氣并於肺則悲



是也

肺虛補母

仲婦人臆躁喜悲傷欲哭象如神靈所作數欠伸甘麥大  
東湯主之

甘草三兩

小麥一升

大棗十枚

右三味水六升煮三升溫分三服亦補脾氣

本鄉里有一婦人數次無故悲泣不止或謂之有祟祈禳  
請禱備至終不應予忽憶金匱有一証云婦人臆躁悲傷  
欲哭象如神靈數欠伸者宜甘麥大棗湯予急令治藥盡  
劑而愈古人識病制方種種絕妙如此

運氣

運氣悲皆屬寒水攻心經云火不及曰伏明伏明之紀其  
病昏惑悲忘從水化也又云太陽司天寒淫所勝善悲時眩仆又云  
從喜悲數欠又云太陽司天寒淫所勝善悲時眩仆又云  
太陽之復甚則入心善忘善悲治以諸熱是也

針灸

針灸悲有二

其一取心經云邪在心則病心痛善悲時眩仆視有餘不  
足而調其輸也

其二取厥陰經云厥陰根于大敦結于玉英絡于臆中厥  
陰為闔闔折即氣絕而喜悲悲者取之厥陰視有餘不足  
虛實寒熱陷下而取之也

妊娠善悲

大論管先生治一妊娠四五箇月臆躁悲傷遇晝則慘感  
淚下數欠象若神靈如有所憑醫與巫皆無益與仲景大  
東湯一投而愈

鼻塞

鼻淵

鼻軌

鼻瘰肉

酒齶鼻

鼻得冷則黑

肺氣通鼻

鼻塞皆屬肺經云肺氣通於鼻肺和則鼻能知香臭矣又



云五氣入鼻藏于心肺心肺有病而鼻為之不利也又云  
西方白色入通於肺開竅於鼻藏精於肺又云肺主臭在  
臟為肺在竅為鼻是也

**垣**金匱真言論云西方白色入通於肺開竅于鼻藏精於  
肺夫十二經脈三百六十五絡其氣血皆上走於面而走  
空竅其精陽氣上走於目而為睛其別氣走於耳而為聽  
其宗氣出於鼻而為臭難經云肺氣通於鼻肺和則能知  
香臭矣夫陽氣宗氣者皆胃中生發之氣也其名雖異其  
理則一若因飢飽勞役損脾胃生發之氣既弱其營運之  
氣不能上升邪塞孔竅故鼻不利而不聞香臭也宜養胃  
氣實營氣陽氣宗氣上升鼻管則通矣又一說難經云心  
主五臭肺主諸氣鼻者肺竅反聞香臭者何也蓋以竅言  
之肺也以用言之心也因衛氣失守寒邪客於頭面鼻亦  
受之不能為用是不聞香臭矣故經曰心肺有病鼻為之  
不利繫古曰視聽明而清涼香臭辨而溫煖者是也治法  
宜先散寒邪後補衛氣使心肺之氣得交通則鼻利而聞  
香臭矣

寒邪客肺

麗澤通氣湯治鼻不聞香臭

羌活 獨活 防風 升麻

葛根各二錢 麻黃不去節一錢冬加之 蒼朮三錢

川椒一錢 白芷 黃芪各四錢 甘草炙二錢

右每服一兩水二盞生姜三片棗二枚葱白三寸同煎  
至一盞去渣稍熱服食遠忌一切冷物及風寒涼處坐  
臥行住

溫肺湯治鼻不聞香臭眼多眵淚

升麻 黃芪各二錢 葛根 羌活



甘草分 防風錢各一 麻黃四錢去節不丁香分  
 右粗末分二服每服水二大盞葱白二握同煎一盞去  
 查稍熱食遠服

禦寒湯治寒氣風邪傷於皮毛令人鼻塞欬嗽上喘  
 黃芪錢一 人參 升麻 陳皮各五分

甘草分 欵冬花 黃栢各二分 佛耳草  
 黃連 羌活 白芷 防風各二分

蒼朮分七 右咬咀作一服水二大盞煎至一大盞去查稍熱服食  
 遠

溫衛湯治鼻不聞香臭目中流火氣寒血熱泪多臍下冷  
 陰汗足痿弱

黃芪 蒼朮 升麻 知母  
 羌活 柴胡 歸身各一錢 人參

甘草分 白芷 防風 黃栢  
 澤瀉各五分 陳皮錢三 青皮錢二 木香

黃連各三分 右作一服水煎去查溫服食遠日晴明服之

溫衛補血湯治耳鳴鼻不聞香臭不知穀味氣不快四肢  
 困倦行步不正髮脫落食不下膝冷汗帶下喉中啞啞不  
 得臥口舌液乾太息頭不可以回顧額項筋緊急痛旋暈  
 眼黑頭痛呵欠嚏噴

升麻分四 柴胡 甘草生 甘草分  
 地骨皮 桔梗各三分 生地 白朮

吳茱萸 黃栢各一分 蒼朮 陳皮  
 王瓜根 牡丹皮各二分 歸身半二分 菝仁三個



雜方

葵花七

右咬咀作一服水煎去查稍熟食前服

**外**治鼻塞不通小薊一把水二升煮一升去查分服本草云小

薊保精養血

**世**噙化萹澄茄丸治鼻不通

萹澄茄五分薄荷葉三錢荆芥穗一錢

右為細末煉蜜丸如櫻桃大每服一丸噙化

**本**治鼻不聞香臭多年者亦治用生葱分作三段早用葱

白午用葱管中截晚換葱管末稍一截塞入鼻中令透裡

方効

**無**通草散治鼻齷氣息不通不聞香臭并鼻息肉

木通細辛附子各等分

右為末蜜和綿裹少許納鼻中

**世**菖蒲散治鼻內窒塞不通不得喘息

菖蒲皂角各等分

右為末每用一錢綿裹塞鼻中仰卧少時

**玉**鼻閉塞不聞香臭 迎香一分沿皮向上 上星三

**集**又法 迎香 上星 合谷 三處愈 灸人中 風

府 百勞

**甲**左窒刺右右窒刺左兩脇下痛泄上下出曾滿短氣不

得汗補手太陽以出之 鼻不利前谷主之

鼻淵謂鼻出濁涕

膽移熱於腦則辛頰鼻淵鼻淵者濁涕不止也傳為衄鱗

瞑目全文見診病傳變又脈解精微論云泣涕者腦也故腦滲為涕

**羅**鼻中諸病 膽移熱於腦則辛頰鼻淵濁涕不止如湧

泉不藏久而不已必成衄血之疾防風湯主之

腦熱

針灸



防風

去芦一两半

黄芩

人參

甘草

炙

川芎

麥門冬

去心各一两

右細末每服一錢沸湯點服食後服日三

温熱

**丹**治鼻淵

南星

半夏

蒼朮

白芷

神麩

酒苓

辛夷

荆芥

嘗治一中年男子右鼻管流濁涕有穢氣脈弦小右寸滑左手寸澁先灸上星三里合谷次以酒苓二兩蒼朮半夏各一兩辛夷細辛川芎白芷石膏人參葛根各半兩分七貼服之全愈此乃濕熱痰積之疾也

感寒

**仲**肺中寒者吐濁涕

**無**蒼耳散治鼻流濁涕不止名曰鼻淵

辛夷仁

半兩

蒼耳子

炒二錢半

香白芷

一两

薄荷葉

五分

右為末每服二錢用葱茶清食後調服

嚴云辛夷散治鼻內壅塞涕出不已或氣息不通或不聞

香臭

辛夷仁

細辛

去土葉

藁本

去芦

升麻

川芎

白芷

木通

去節

防風

甘草

右為末每服二錢食後茶清調服

運氣鼻淵皆屬熱經云少陰之復甚則入肺咳而鼻淵治

以苦寒是也

針灸

**撮**鼻流清涕濁涕

上星

灸二十七壯清補濁瀉

**集**又法

上星

人中

風府

不愈再取後穴

百會

風池

風門 大椎

鼻流臭穢

上星

曲差

灸

合谷

不愈取後穴

人中

迎



香

鼻軌謂鼻出清涕

積 溫熱痰

**丹肥**人鼻流清涕乃飲食痰積也

蒼朮

片苓

南星

川芎

白芷

辛夷

甘草

右或末或丸皆可白湯下

寒

**本**治鼻塞清涕出腦冷所致

通草

辛夷各半兩

細辛

甘遂

桂心

芎藭

附子各一兩

右細末蜜丸綿裹納鼻中密封勿令氣泄丸如麻子稍

加大微覺少痛效搗姜為丸即愈

**無**辛夷散治鼻塞腦冷清涕不已

細辛

川椒

乾姜

川芎

吳茱萸

辛夷

附子各三分

皂角屑兩

桂心兩

猪油兩六

右煎猪脂成膏先一宿以苦酒浸前八味取入油煎附

子黃色止以綿裹塞鼻孔中

運氣

運氣鼻軌有二

一曰火攻肺虛鼻軌經云少陰司天熱氣下臨肺氣上從

軌衄鼻塞又云少陰司天熱淫所勝民病軌衄嚏嘔又云

少陽司天火淫所勝甚則軌衄又云少陽之復煩躁軌嚏

又云少陰司天客勝則軌嚏又云歲金不及炎火乃行民

病軌嚏又云金不及曰從革從革之紀其病嚏咳軌衄治

以諸寒是也

二曰金助肺實鼻軌經曰陽明所至為軌嚏治以溫劑是

也



針灸

針灸鼻竅獨取足太陽經云足太陽之別名曰飛陽去踝  
七寸別走少陰實則竅窒頭背痛取之所別是也  
**甲**鼻竅不利窒氣塞喎僻多涕竅衄有瘡迎香主之  
鼻  
鼻不得息不收涕不知香臭及衄不止水溝主之

鼻瘰肉

**無**羊肺散治肺虛壅鼻生瘰肉不聞香臭

羊肺具一

白朮

菴蓉

木通

乾姜

川芎

各一兩  
俱為末

右五味為細末以水量打稀稠得所灌肺中煮熟焙乾

細研為末食後米飲服二錢

胃有食積

**世**瘰肉因胃中有食積熱痰流注治本當消食積

蝴蝶礬

錢二

細辛

錢一

白芷

分五

右為末以綿裹藥納鼻中頻頻換又方蝴蝶礬三分號

丹一分細辛一錢如此法塞鼻三因方單用枯礬末面

脂用綿裹少許納鼻中數日瘰肉與藥消落

右鼻中用此藥塞更以星半蒼朮酒苧連神麩辛夷細

辛白芷甘草消痰積之藥服之為効也

**世**辛夷膏治鼻生瘰肉窒塞不通有時疼痛

辛夷葉

二兩

細辛

木通

木香

白芷

杏仁

湯浸去皮尖  
研各半兩

右用羊髓猪脂二兩和藥于石器內慢火熬成膏取赤

黃色放冷入龍腦麝香各一錢為丸綿裹塞鼻中數日

內脫落即愈此方有理

**羅**輕黃散治鼻中瘰肉

輕粉

杏仁

湯浸去皮尖及  
雙仁各一錢

雄黃

麝香

許少

雜方



右四味用淨乳鉢內先研杏仁如泥後入雄黃麝香同研極細勻磁合蓋定每有患者不拘遠近夜卧用筋點梗米大在鼻中瘰肉上隔一日夜卧點一次半月見効

**世**鼻中有瘰肉不聞香臭瓜蒂細辛等分為細末以綿包如荳許塞鼻中須臾即通有人患瘰肉垂出鼻外用此藥即化為黃水點滴至盡三四日愈聖惠方單用陳瓜蒂以羊脂和傅上日三次効

**本消鼻痔方**

苾蒂炒

甘遂各四錢

白礬枯

螺青炒

草烏尖各五分炒

右為末用真麻油搜令硬些子不可爛旋丸如鼻孔大用藥入鼻內令達痔肉上其痔化為水肉皆爛下每日一次用妙不可言

**又方取鼻痔**

苦丁香乃瓜蒂

赤小荳

丁香各十個

右慢火焙乾為末入腦子少許口內先含水次將小竹管吹藥入鼻中如半盞茶時盡為度候頭疼時取下

**取鼻痔**

芭荳十二粒去壳

陽起石一錢

石蓮心三十枚

右為末每用半字許插入鼻內又用綿塊子蘸藥塞入鼻中其痔肉化爛自出

**又方取鼻痔**

蝎稍錢一

巴荳去油五粒

丁香五粒

白丁香七粒

右為細末用螺青一字和勻用內消膏藥溶開入上件藥末搜丸如龍眼核大臨睡用一丸安鼻內



針灸

右巴荳例

**世**治久患鼻瘡膿極臭者用百草霜研細用冷水調服三錢

**東**鼻中瘰肉皰衄 風池 風門 風府 人中 禾窠

**甲**鼻中瘰肉不利鼻額頰中痛鼻中有蝕瘡斷交主之

皰衄涕出中有懸癰瘰肉內窒不通不知香臭素窠主之

鼻窒口僻清涕出不可止皰衄有癰禾窠主之

酒釀鼻

風熱

**羅**鉛紅散治風熱上攻陽明經絡面鼻紫赤刺癢疹俗呼肺風以肺病在皮膚也

硫黃

白礬灰各五錢

右細末入黃丹少許染與病人面色同每上五分津液塗之洗嗽罷及臨臥再上兼煎升麻湯下瀉青丸服之

除其本也

升麻湯方見小兒痘寫青丸方見治虛實

**本**治肺風鼻赤皰用老山查為末溶黃蠟等分和丸彈子

大空心茶酒嚼下半月効忌酒炙博

**簡**治赤鼻

枇杷葉

一兩去毛陰乾新者佳

梔子兩

右為末每服二三錢温酒調下早晨服先去左邊臨臥服去右邊効若神

寒

**衍**治酒皰風鼻上赤將橘核微炒為末每用二錢匕研胡

飛肉一個同以温酒調服以知為度面經云胡

海云治酒皰鼻用山茱萸煖腰膝助水藏除一切風逐一切氣破癥

治酒皰鼻

雜方

片腦

硫黃

明淨者五分

枇杷葉

錢一



右用猪臟去頭段一尺用第二段一尺割下臟上脂煎成油調和前藥末入生臟內兩頭縛定掛當風處七日用時將小針於臟上針孔捏出藥少許用手傳患處十日內全愈

**無粉黃膏**治肺熱赤瘰俗曰酒皷

**硫黃**一分為末 **蘿蔔**切去蓋剉作穴子入硫黃在內以竹針蓋定安正入糠火煨一宿取

研 **輕粉** **烏頭尖**各少許為末

右研勻以面油調卧時傳早晚洗去以酥調尤佳

治酒皷鼻用乳香硫黃細辛輕粉等分為末水調傳

**檳榔散**治鼻頭赤

**檳榔** **硫黃**各等分 **片腦**少許

右為細末用粗絹帛包裹時時於鼻上捺磨鼻聞其臭効又加蓖麻子肉為末酥油調臨睡時少許捺鼻上使

終夜得聞効

**丹**治酒皷以桐油入黃連末天鈞藤燒灰傳之

**甲**鼻管疽發為病腦空主之

**無**鼻頭微白亡血也赤者血熱也酒客多有之

鼻得冷則黑

**丹**面鼻得冷則黑論 諸陽聚于頭則面為陽中之陽鼻

血熱

居面中央而陽明起於頰中一身之血運到面鼻陽部皆為至清至精之氣矣酒性善行而喜升太熱而有峻急之毒多酒之人酒氣薰蒸面鼻血得酒為極熱熱血得冷為陰氣所搏汚濁凝結滯而不行宜其先為紫而後為黑色也須用融化滯血使得流通滋生新血可以運化病乃可愈予嘗以酒制四物湯加酒炒片苓陳皮生甘草酒紅花生姜煎調下五靈脂末飲之氣弱形肥者加酒黃芪無有



不應入好酒數滴為引使

肩背痛

肩痛

肩背痛屬肺

肩背痛屬肺分野病經云西風生於秋病在肺膈在肩背故秋氣者病在肩背又云秋肺太過為病在外則令人逆氣背痛愠愠然是也

垣脈經云風寒汗出肩背痛中風小便數而欠者風熱乘其肺使肺氣鬱甚也當瀉風熱以通氣防風湯主之

柴胡

升麻

黃芪各一錢

防風

羌活

陳皮

人參

甘草各五分

藁本

青皮各三分

黃柏一分

白菝仁二分

右咬咀作一服水煎溫服食後氣盛者宜服面白脫色氣短者勿服

非肩背痛

肩背痛不可回顧此手太陽氣鬱而不行以風藥散之

丹治一男子忽患背胛縫有一線痛起上肩跨至胛前側

脇而止其痛晝夜不歇不可忍診其脈弦而數重取豁大左大於右予意背胛小腸經也此必思慮傷心心藏未病

而腑小腸先病故痛從背胛起及慮不能決又歸之膽故痛至胛脇而止乃小腸火乘膽木子來乘母是為實邪詢

之果因謀事不遂而病故用人參四分木通二分煎湯使吞龍膽丸數服而愈

二陽一陰發病主驚駭背痛善噫全文見診病傳變

背痛兼噫驚屬陽明厥陰運氣

運氣肩背痛皆屬火攻肺病經云歲火太過民病肩背熱又云少陰司天熱淫所勝病肩背膈缺盆中痛又云歲金不及其病內舍膈脇肩背外在皮毛治以寒劑是也

針灸

針灸肩背有二法

其一取肺經云肺病者喘咳逆氣肩背痛汗出取其經太



陰足太陽之外厥陰內血者又云肺手太陰之脈氣盛有餘則肩背痛風寒汗出氣虛則肩背痛寒少氣不足以息視盛虛熱寒陷下取之是也

其二取腎經云邪在腎則病肩背頸項痛時眩取之湧泉崑崙視有血者盡取之是也

**玉**肩背痛連胛 胛縫在背端骨下直腋縫尖及臂取二寸半瀉六吸 五樞二

半瀉八吸

**世**肩背胛痛 崑崙 懸鍾 肩井

**東**肩背頸項腋前痛與胛相引者 湧泉一分見血妙 前腋

刺面上 又法 氣舍五分 天窳灸 曲池一寸半 天井

五分

**甲**肩背痺痛不舉血瘀肩中不能動搖巨骨主之 肩背

不可自帶衣臂腕外側痛不舉陽谷主之 肩背欲折

如拔手不能自上下養老主之 項背痛引頸魄戶主之

肩痛胛滿悽厥脊背急強神堂主之 肩背髀痛臂不

舉寒熱悽索肩井主之

**通**立肩背痛 手三里主之

**素**寸口脈中手促上擊者曰肩背痛平人氣象論

肩痛

針灸肩痛有三法

其一取手陽明經云大腸手陽明之脈所生病者肩前臑

痛視盛虛熱寒陷下取之也

其二取手太陽經云小腸手太陽之脈是動則病肩似拔

臑似折視盛虛熱寒陷下取之也

其三取筋經云手太陽之筋病繞肩胛引頸而痛應耳中

鳴痛手陽明足太陽之筋皆病肩不舉皆治在燔針劫刺

針灸 診



以知為數以痛為驗也

東肩不可動臂不可舉

肩顛二寸

巨骨五分

清冷淵

十一關衝五分

玉肩端腫

肩顛二寸半

腕骨七分先

寫後補

兩胛痛

肩

井二寸半不

支溝

甲肩腫不能顧氣舍主之

肩中熱指臂痛肩髃主之

肩肘中痛難屈伸手不可舉腕重急曲池主之

肩肘節

酸重臂痛不可屈伸肘窈主之

肩痛不能自舉汗不出

頭痛陽池主之

肩重肘臂痛不可舉天宗主之

肩胛

周痺曲垣主之

肩胛中痛而寒至肘肩外膺主之

肩

臑閉急悽厥惡寒魄戶主之

肩痛不可舉天窈乘風主

之肩重不舉臂痛肩窈主之

肩不可舉不能帶衣清

冷淵主之

肩痛不可舉引缺盆雲門主之

皮膚

皮膚痛

皮膚索澤

皮者絡之部

素黃帝問曰余聞皮有分部脈有經紀筋有結絡骨有度

量其所生病各異別其分部左右上下陰陽所在病之始

終愿聞其道岐伯對曰欲知皮部以經脈為紀者諸經皆

然陽明之陽名曰害蜚上下同法視其部中有浮絡者皆

陽明之絡也其色多青則痛多黑則痺黃赤則熱多白則

寒五色皆見則寒熱也絡盛則入客於經陽主外陰主內

少陽之陽名曰樞持上下同法視其部中有浮絡者皆少

陽之絡也絡盛則入客于經故在陽者主內在陰者主出

以滲于內諸經皆然太陽之絡名曰關樞上下同法視其

部中有浮絡者皆太陽之絡也絡盛則入客於經少陰之

陰名曰樞孺上下同法視其部中有浮絡者皆少陰之絡

也絡盛則入客於經其入經也從陽部注於經其出者從



陰內注於骨心主之陰名曰害肩上下同法視其部中有浮絡者皆心主之絡也絡盛則入客於經太陰之陰名曰關蠶上下同法視其部中有浮絡者皆太陰之絡也絡盛則入客於經凡十二經絡脈者皮之部也是故百病之始生也必先於皮毛邪中之則腠理開開則入客於絡脈留而不去傳入於經留而不去傳入於腑廩於腸胃邪之始入於皮也浙然起毫毛開腠理其入於絡也則絡脈盛色變其入客於經也則感虛乃陷下其留於筋骨之間寒多則筋攣骨痛熱多則筋弛骨消肉爍腠破毛直而敗帝曰夫子之言皮之十二部其生病皆何如岐伯曰皮者脈之部也邪客於皮則腠理開開則邪入客於絡脈絡脈滿則注於經脈經脈滿則入舍於臟腑也故皮者有分部不與而生大病也帝曰善皮部論

皮屬肺

皮膚屬肺經云肺之合皮也其榮毛也又云肺主皮毛在臟為肺在體為皮毛是也

診

毛折爪枯為手太陰絕經云手太陰者行氣溫於皮毛者也氣不榮則皮毛焦皮毛焦則津液去皮絕者津液既去則爪枯毛折毛折者毛先死

皮膚痛

心痛

皮膚痛屬心實經云夏脈者心也夏脈太過則病身熱皮膚痛為浸淫

運氣

運氣皮膚痛皆屬火邪傷肺經云少陰在泉熱淫所勝病寒熱皮膚痛又云少陰司天火淫所勝熱上皮膚痛又云少陰之復咳皮膚痛治以諸寒是也

針灸

針灸皮膚痛取肺經云邪在肺則病皮膚痛寒熱上氣喘汗出咳動肩背取之膺中外膺背三節五椎之傍以手疾



按之快然乃刺之取之缺盆中以越之是也

**甲**身腫皮膚痛不可近衣淫瀼苛獲久則不仁屏翳主之

皮膚索澤

皮膚索澤即仲景所謂皮膚甲錯蓋皮膚澁而不滑澤者是也

虛勞汚血

**仲**五勞虛極羸瘦腹滿不能飲食食傷憂傷飲傷房室傷飢傷勞傷經絡榮衛傷內有乾血肌膚甲錯兩目黯黑緩

中補虛大黃虫丸主之

方見勞条

小腸膀胱

三陽為病發寒熱其傳為索澤

全文見診病傳變索盡也王氏云精血枯涸故皮膚

潤澤之氣皆盡也

中甲

**仲**咳有微熱煩滿胃中甲錯是為肺癰葶藶湯主之

方見肺癰

逆氣

運氣皮膚索澤屬燥傷胆氣經云陽明在泉燥淫所勝病

躰無膏澤治以苦寒是也

針灸

針灸皮膚索澤取足少陽經云足少陽之脈是動則病躰

無膏澤視盛虛熱寒陷下取之也

尺膚粗如枯魚之鱗者水泆飲也

全文見診法

瘖 舌瘖

喉瘖

胎前產後瘖

邪入陰則瘖

瘖者邪入陰部也經云邪搏陰則為瘖又云邪入於陰搏則為瘖然有二症一曰舌瘖乃中風舌不轉運之類是也

一曰喉瘖乃勞嗽失音之類是也蓋舌瘖但舌本不能轉

運言語而喉咽音聲則如故也喉瘖但喉中聲嘶而舌本

則能轉運言語也

舌瘖

**丹**一男子年三十五歲因連日勞倦發嗽發為瘖疾醫與

瘖藥二發後變為發熱舌短言語不辨喉間痰吼有聲診

痰涎乘虛閉塞舌本之脈道而瘖



其脈洪數似滑遂以獨參湯加竹瀝兩蚶殼許兩服後吐  
膏痰三塊舌本正而言可辨餘証未退遂煎人參黃芪湯  
服半月而諸証皆退粥食調補兩月方能起立

人舌短言語不辨乃痰涎閉塞舌本之脈而然嘗治一中  
年男子傷寒身熱師與傷寒藥五貼日後變神昏而瘖遂  
作躄虛有痰治之人參五錢黃芪白朮當歸陳皮各一錢  
煎湯入竹瀝姜汁飲之十二日其舌始能語得一字又服  
之半月舌漸能轉運言語熱除而痊蓋足少陰脈挾舌本  
脾足太陰之脈連舌本手少陰別繫舌本故此三脈虛則  
痰涎乘虛閉塞其脈道而舌不能轉運言語也若此三脈  
亡血則舌無血管養而瘖經云刺足少陰脈重虛出血為  
舌難以言又云刺舌下中脈太過血出不止為瘖治當以  
前方加補血藥也又嘗治一男子五十餘歲嗜酒吐血

中風熱則舌縱不言

中風寒則舌卷不言

針灸

許後不食舌不能語但渴飲水脈略數與歸芎芍地各一  
兩木參各二兩陳皮一兩半甘草二錢入竹瀝童便姜汁  
至二十餘貼能言若此三脈風熱中之則其脈弛縱故舌  
亦弛縱不能轉運而瘖風寒客之則其脈縮急故舌強舌  
卷而瘖治在中風半身不收求之也

針灸瘖有二治

其一取脾經云脾足太陰之脈是動則病舌本強視盛虛  
熱寒陷下取之也

其二取心經云手太陰之別名曰通里去腕一寸五分別  
而上行入於心中繫舌本虛則不能言取之掌後一寸是  
也

診

心脈瀆甚為瘖全文見虛實法

素心脈搏堅而長當病舌卷不能言脈要精微論



疎泄滯壅

喉痞

**丹**俞繼道遺精誤服參芪及升浮劑遂氣壅於上焦面瘡  
 聲不出用童便浸香附為末調服而疎通上焦以治痞又  
 用蛤粉青黛為君黃栢知母香附佐之為丸而填補下焦  
 以治遺十餘日良愈本草言童便主久嗽失音故治瘡  
 多用童便由童便能降火故也  
 出聲音方訶子炮去核木通各一兩甘草半兩用水三升  
 煎至升半入生姜地黄汁一合再煎數沸放溫分六服食  
 後日作半料訶子治逆氣破結氣木通  
 通利九竅治肺癰甚當

**河**訶子湯治失音不能言語

訶子四個半桔梗一兩半甘草二寸半  
生半炮生半炙

右為細末每服二錢童便一盞水一盞煎五七沸溫服  
 甚者不過三服愈桔梗通利肺氣訶子泄  
 肺導氣童便降火甚速

一方桔梗三兩大訶子四個甘草二兩炮製皆同每服一

錢七入沙糖一小塊不入童便獨用水五盞煎至三盞時

時細呷一日服盡其効甚速

開結痰

**海**發聲散治咽喉語聲不出

括萎皮剉白姜蚕頭去甘草各等分俱  
 各炒黃

右細末每三錢溫酒調下或生姜自然汁調下用五分  
 綿裹嚙化咽津亦得不拘時候日兩三服

**肘**治卒失音咽不出陳皮五兩水三升煮取一升去查頓

服

**羅**玉粉丸治冬月寒痰結咽喉不利語聲不出

半夏洗五  
 火草烏一字  
 炒桂一字

右為細末生姜汁浸餅為丸如鷄荳大每服一九至夜  
 含化多年不愈亦有效黃帝針經中說寒氣客於會厭  
 卒然而啞此藥主之



胃中積血作痛失音者音

**丹**蛤蚧丸治肺間邪氣胃中積血作痛失音并治久欬失

蛤蚧一對去嘴足溫水浸去膜刮了血脈用好醋炙

訶子煨去核

阿膠炒

生地

麥門冬去心

北細辛去苗

甘草炙各半兩

右為末煉蜜丸如棗大每服一九含化食後

**千**治暴嗽失音語不出方

杏仁研如泥

姜汁

沙糖

白蜜各一升

五味

紫苑各三兩

通草

貝母各四兩

桑白皮五兩

右咬咀以水九升煮五味紫苑通草貝母桑白皮取三

升去查納杏仁泥姜汁蜜糖和攪微火煎取四升初服

三合日再夜一後稍加

通聲膏方

五味

欬冬花

通草各三兩

人參

細辛

桂心

青竹皮

菖蒲各二兩

杏仁一升

白蜜一升

棗膏

姜汁一升

酥五升

右咬咀以水五升微火煎三上三下去查納姜汁棗膏

酥蜜煎令調和酒服如棗大二九

**丹**欬嗽聲嘶者此血虛受熱也用青黛蛤粉蜜調服之

**世**失音槐花瓦上炒令香熟於地上出火毒三更後床上

仰臥隨意服亦治咯血

**千**風寒之氣客於中滯而不發故瘖不能言

**孟**人患卒啞杏仁三分去皮尖熬另研桂一分如泥和取

杏核大綿裹含細細咽之日五夜三

寒

熱



**丹**治失音以桂末着舌下嚥津妙千金斗門食忌聖惠方同 治風冷失音以紫梗荆芥根一兩研汁入酒相和温飲半盞服無

時聖惠方

**聖**治風冷失音咽喉不利以藁荷根二兩絞汁酒一大盞相和令勻不計時候温服半鍾

陰濕乘虛入心失音

**孫**內侍曹都使新造一宅落成遷入經半月飲酒大醉臥起失音不能語召孫至診曰因新宅故得此疾耳半月當愈但服補心氣薯蕷丸治濕用細辛川芎又十日其病漸減二十日全愈曹既安見上問誰醫曰孫兆郎中上乃召問曰曹何疾也對曰凡新宅壁土皆濕地亦陰多人乍來陰氣未散曹心氣素虛飲酒至醉毛竅皆開陰濕之氣從而入乘心經心經既虛而濕氣又乘之所以不能語臣先用薯蕷丸使心氣壯然後以川芎細辛又去濕氣所以能

語也

運氣

運氣瘖有二

一曰熱助心實經云少陰之復暴瘖治以苦寒是也

二曰寒攻心虛經云歲火不及寒乃太行民病暴瘖治以

鹹温是也

狐惑聲啞

狐惑聲啞其証默默欲眠目不能閉起居不安是也治法見傷寒

針灸

**靈**黃帝問於少師曰人之卒然憂恚而言無音者何道之

塞何氣出行使音不彰願聞其方少師荅曰咽喉者水穀

之道也喉龍者氣之所以上下者也會厭者聲音之戶也

口唇者音聲之扇也舌者音聲之機也懸雍垂者音聲之

關也頰頰者分氣之所泄也橫骨者神氣所使主發舌者

也故人之鼻洞涕出不收者頰頰不開分氣失也是故厭



小而疾薄則發氣疾其開闔利其出氣易其厭大而厚則開闔難其氣出遲故重言也人卒然無音者寒氣客于厭則厭不能發發不能下至其開闔不致故無音黃帝曰刺之奈何岐伯曰足之少陰上繫於舌絡於橫骨終於會厭兩瀉其血脈濁氣乃辟會厭之脈上絡任脈取之天突其厭乃發也憂志無言篇

厥氣走喉而不能言手足清大便秘取足少陰雜病篇者逆氣也足少陰脈循喉嚨又挾舌本故取之

針灸瘖有三法

其一取足少陰上二段經文是也

其二取足陽明經云足陽明之別名曰豐隆去踝八寸別

走太陰下絡喉嗑其病氣逆則喉痺卒瘖取之所別是也

予治一男子四十九歲久病痰嗽忽一日感風寒食酒肉

遂厥氣走喉病暴瘖與灸足陽明豐隆二穴各三壯足少

陰照海穴各一壯其聲立出信哉聖經之言也仍用黃芩

降火為君杏仁陳皮桔梗瀉厥氣為臣訶子泄逆甘草和

元氣為佐服之良愈

其三取手陽明經云暴瘖氣哽取扶突與舌本出血舌本

廉泉穴也

甲瘖不能言合谷及湧泉陽交主之

桑卒暴失音 神門 湧泉

甲食飲善嘔不能言通谷主之 暴瘖氣哽喉痺咽痛不

得息飲食不下天鼎主之 瘖不能言期門主之 暴瘖

不能言支溝主之

胎前產後瘖

素黃帝曰人有重身九月而瘖此為何也岐伯對曰胞之

心腎



絡脈絕也帝曰何以言之岐伯曰胞絡者繫于腎少陰之脈貫腎繫舌本故不能言帝曰治之奈何岐伯曰無治也當十月復王註云少陰腎脈也氣不榮養故不能言

郭氏論產後不語者何荅曰人心有七孔三毛產後虛弱多致停積敗血閉於心竅神志不能明了心氣通於舌心氣閉塞則舌亦強矣故令不語但服七珍散

人參 石菖蒲 生地 川芎各一兩  
細辛 防風 辰砂另研各半兩

右為細末每服一錢薄芎湯調下不拘時

雜方 胡氏孤鳳丹散治產後閉目不語用白礬細研每服一錢熱水調下

虛中有熱

丹脫肛氣虛者補氣參芪川芎升麻血虛者四物升麻

氣熱者條芩六兩升麻一兩為末神麩為丸服之 血熱者涼血四物加黃柏

百一治脫肛以槐花槐角各等分炒黃為末用羊血蘸藥炙熟食之酒下

世治脫肛 槐花 荆芥穗 白連等分○白連恐是白欬

右為細末空心酒下便入 無蝟皮散治肛門或因洞泄或因用力脫出不收

蝟皮一個燒存性 磁石半兩煨碎 桂心半兩

右為末飲服方寸七忌舉重及房室肘後治女人陰脫加鱉頭一枚燒灰研入

丹大腸頭出痛苦乾又落落又出名截腸病腸盡則死初出寸餘時治之以芝麻油一盞以醫坐之飲大麻子汁數

燥

寒



升愈

雜方

**無**五倍子為末每三錢水二碗煎減半入白礬一塊安小桶內洗之立効

**世**治男女脫肛用五倍荆芥小便濃煎洗之

**本**治腸風及脫肛不收有血下用皂角三莖槌碎水一碗

揉令皂角消盡用絹二重濾取清汁數分將脫肛腸浸在

藥水中其腸自收不用手托如大腸收了更用湯盪其脫

肛上下令皂角氣行則不再作三次盪愈

**集**治脫肛歷年不愈以生鉄三斤水一斗煮取五升出鉄

以汁洗日再一方用磨刀槩秀水洗亦効

**肘**若腸隨脫肛出轉久不可收入搗生括萎汁浸之猪肉

汁中洗手隨按之令煖自得入

**世**又方亦治脫肛

荆芥

龍腦

薄荷

朴硝

右煎湯朝朝洗之腸頭自入

**無**香荆散治脫肛 香附末 荆芥穗等分

右為末每用三匙水一大碗煎熱淋洗

針粉散治脫肛歷年不愈針粉研細每用少許搽之按入

即愈

**本**治腸風并脫肛及有血用蛇床子不拘多少炒為末貼

大腸脫垂處立收甚妙

**無**用木賊不以多少燒存性為細末搽肛門上按之

**乘**關方治瀉多時脫肛疼痛黑聖散用大蜘蛛一個鐵葉

重裹線繫定合子內燒令黑色存性取出細研入黃丹少

許同研凡有上件疾即先用白礬葱椒湯洗拭乾後將藥

末搽在軟處將手掌按托入收之妙



圍治大腸火積虛冷大便脫肛收不得蝸牛一兩燒灰猪  
脂和傅之

十治脫肛歷年不愈驚頭一枚燒令烟絕杵末日傅肛上  
手按授之

丹治脫肛用胡荽燒薰立入

海治諸般痔脫肛以死蛇一條如指大濕者用掘地坑燒  
之將有孔板蓋坑上坐薰之烟絕為愈大効

世腸頭出用皂角薰次用蜈蚣一個入蜜浸去蜈蚣將蜜  
調土硃傅上即入一女子脫肛醫用糯米一勺濃煎飲

去米候洗肛溫柔却先以磚一片火燒通紅用醋沃濕以  
青布鋪磚上坐肛於青布上如熱則加布令厚其肛自吸  
入腹中而愈

紫葳膏治臟熱肛門脫出以紫葳一握又名魚腥草

搗爛如泥先用朴硝水洗淨肛門用芭蕉葉托入却用藥  
於醫下貼坐自然收入

針灸 集治脫肛 大腸腧 百會 長強

扁鵲脫肛 百會 肩井

摘又法 百會 針二分灸七壯至十七壯

世脫肛 合谷

甲脫肛刺氣衝主之

穀道痛蝕

雜方

肘治穀道赤痛熬杏仁杵作膏傅之良愈

外治下部虫齧杵桃葉一斛蒸之令極熱內小口器中以

下部榻上坐虫立死

診

脈蠹蝕陰脫其脈虛小者生緊急死

痔



**仲**小腸有熱者必痔

東垣治  
濕熱風  
燥四氣

**垣**秦芫蒼朮湯治痔疾若破謂之痔漏大便秘澁必作大痛此由風熱乘食飽不通氣逼大腸而作也受病者燥氣也為病者胃濕也胃刑大腸則化燥火以乘燥熱之實勝風附熱而來是濕熱風燥四氣相合故大腸頭成塊者濕也作大痛者風也若大便燥結者主病兼受火邪也熱結不通去燥屎者其西方肺主諸氣其躰收下亦助疾病為邪須當破氣藥兼之治法全矣服之其疾立愈不可作丸以剉湯與之効如神速

秦芫 一錢  
去芦

澤瀉 三分

蒼朮 七分  
製

防風根 五分

莢仁 去皮一錢  
另研

歸根 三分酒洗第  
二服藥用身

黃栢 去皮酒洗五分

大黃 少許雖大便秘澁亦不可多用

檳榔 一錢細末  
調服之

皂角仁 燒存性去皮一錢  
搗細末調下服之

右除檳榔莢仁皂角仁三味候煎成藥研勻調入外餘咬咀作一服水三盞煎至一盞二分去查入前三味再上火煎至一盞空心熱服待少時以美饅壓之不犯胃氣也服藥日忌生冷硬物及酒麪大料物乾姜之類犯之則藥無効如有白膿加五朶白葵花須除萼去心細剪入青皮五分不去白入上藥同煎又用木香三分為細末同檳榔等三味再上火同煎依法服餌古人以此疾多以歲月除之此藥一服立愈若病久者再服必愈

秦芫白朮丸

秦芫 去芦

歸稍 酒洗

莢仁 酒浸去皮尖  
另研各一兩

地榆 錢三

枳實 炒

白朮

澤瀉

皂角仁

燒存性去皮各半兩



右為細末和菘仁泥研勻煎熟沸湯麪糊丸雞荳大焙乾白湯下空心宿食消盡服之少時以美膳壓忌生冷硬物冷水冷菜之類并濕麪酒及五辣辛熱大料物之類犯之則藥無驗十服必愈

**潔蒼木澤瀉丸**

蒼木 四兩 去皮

澤瀉

枳實

秦艽 各二兩

地榆

皂角子 燒存性 各一兩

右為細末燒餅為丸如桐子大每服三十九丸米飲湯或酒下

**白朮丸**

藥味與蒼木澤瀉丸同只改蒼木為白朮去秦艽

丹溪主于涼血

**丹痔漏專一涼血為主**

人參

黃連

生地 涼血

當歸 和血

川芎 和血

槐角 涼生血

條芩 涼大腸

枳殼 寬腸

淋起

右煎湯服之外以澁藥蘆甘石童便煨牡礪粉龍骨海蛤蜜陀僧之類敷之

許孺人產後痔作瘡有頭如蒜頭大或下鮮血或紫血大便疼與黑神散又多食肉大飽此濕熱在大腸所為

郁李仁 去皮

麻仁

槐角 各七錢

枳實

皂角仁 五錢 為末

蒼木

歸尾

生地 各三錢

大黃 炒一錢

右分六貼內三樣仁另研煎服

**經**患五種痔水研山荳根服 味甘寒 退血熱

**本**又方治痔用雞冠花不拘多少濃煎湯每服一盞空心

**服** 本草云雞冠花性涼治瀉血

**丹**痔頭向上是大腸熱甚收縮為主用四物解毒加枳殼

番花痔大腸熱甚



白木槐角秦芫

治番花痔 荆芥 防風 朴硝

右煎湯洗之次用木鱉子鬱金研末龍腦些少水調塗

上

**世**治番花痔用信一錢蜈蚣數個以香油久浸之臥臨時先洗痔拭乾却取浸油傳患處用手按入立愈累効其餘痔皆妙

痔藥膏子治外痔番花脫出黃水不止腫痛並用銀濶篋蘸藥塗傳日一次重者五七次立愈先用藥水洗拭乾却傳此膏用真桑灰不拘多少淋濃汁兩碗熬至一碗却入草烏片大黃片各二錢再慢火熬至半碗入甘草一錢數沸下淨細石灰半匙頭不可多略沸三五次用絹一重花紙二重如絞漆狀濾過再熬成膏候冷用真膽礬五分研

極細末放入膏中用瓦器盛貯封之臨用入龍腦末和勻

傅之

**本治**風痔漏不問有頭無頭定三日安

藜蘆燒灰 天麻各五錢 皂角針不用皮條

乾姜兩半 蓮子草 明礬 硫黃各一兩

大苦瓜菱一個 麝香五分

右將瓜菱開一孔入礬并硫黃在內孔如小錢大就將元掩合定綿紙糊却用瓦罐子盛坐瓶上炭火煨令烟盡為度候冷取出研細同前六味藥末和令勻煉蜜丸桐子大每服十九至十五丸空心温酒下日三服三日見効忌油麪醃藏牛馬肉魚腥生冷行房行遠勞力一切等事

治腸痔鱉甲丸



鱉甲 蝟皮炙焦 川山甲炙焦 白礬枯

附子 猪牙皂角各半兩炙焦存性二分

右細末研勻蒸餅丸如桐子大米飲下二十九食前日三服

又方 槐花炒 白礬枯各一兩 附子錢五

右細末研勻蒸餅丸如桐子大每服二十九米飲下食前日三服已上二方龐老傳

治腸風痔漏

赤芍藥 官桂去皮 甘草炙各等分

右咬咀每服二錢姜二片白糖一塊水一盞同煎七分去渣空心服

**素**因而飽食筋脈橫解腸澀為痔主氣通天論

**聖**黑地黄丸治血虛久痔神妙治痔之聖藥也方見勞瘵

破積 世治痔方神妙

當歸 川芎 黃連 全蠍

三稜 蓬朮 羌活 獨活

山茱萸去核各半兩 枳殼十二兩去穰 商陸白者一兩

巴菝去壳不拘數 木香 甘草節 鼠粘子炒

苦參 藜蘆 柴胡各一兩 刺蝟皮炒

猪牙皂角去皮弦各一兩 一方加白朮半夏荆芥薄

苛楨榔各一兩

右將巴菝二粒或三粒入枳殼內線扎定却用醋煮爛訖冷水洗淨去巴菝不用晒焙乾入前藥同為細末煮醋麪糊為丸桐子大每服三四十九空心醋湯下更用五倍子羌活獨活煎湯洗如大便燥結用煮過巴菝六七粒加入前藥同丸



右一方疎風泄熱破積滯其効如神

**集**治五痔不以年月日久新積實為末煉蜜丸桐子大空心飲下二十九

**丹**二三十年不愈者三服止用蓮花蕊散

蓮花蕊

黑牽牛頭末各一兩半

當歸兩半

礬紅少許

右為末先忌食肉五七日空心令食肉一頓就取温酒下三錢約兩時辰取下膿血或虫是効

海藏外臺治五十歲痔不瘥塗熊膽取瘥神効諸方不及

此

**垣**七聖散丸治大腸疼痛不可忍王叔和云積氣生於脾

藏傍大腸疼痛陣難當漸交稍瀉三焦是莫漫多方立紀

綱

漏甚者微利之調之薰

羌活兩一

檳榔

木香

川芎

桂枝去皮各半兩

大黃八分煨

郁李仁去皮另研一兩半

右除郁李仁另研外為細末煉蜜丸桐子大驗虛實臨

時斟酌丸數白湯下取大便微利一服而愈切禁不得

多利大便若大行其病滋甚

秦芫防風湯治痔漏大便時時發疼痛非痔漏也此藥主

之

秦芫

防風

白朮各一錢半

歸身一錢

黃栢五分

陳皮

紅花少

甘草炙

升麻各六分

柴胡二分

豨仁三十個

大黃三分煨

澤瀉

右剉如麻苳大總作一服水三盞煎一盞去查稍熱服空心宿食消盡服之避風寒忌房事酒濕麪大辛熱物



當風寒處大便

**本**治痔有鼠結核作渴疼痛方

皂角多酥

黃芪

荆芥

槐子

川山甲

木香

蝟皮

桔梗

鱉甲醋炒

露蜂房焦炒

芍藥各一兩

大黃五錢

右為末煉蜜丸桐子大每服三十九丸溫酒下食前日三服未知加至四五十丸

治痔下腫痛

枳殼

一兩陳粟米同炒令黃赤米不用

青木香一分

右為末每服二錢飯飲調下

**集**治痔疾下血疼痛不止以玩月沙不限多少慢火熬令黃色為末每二錢入乳香五分空心溫酒調下日三四服瘥即免子糞是也

**外**治痔發疼痛裡肉作羹食之良作脯食不過三頓瘥

世治痔瘡痛不可忍者木綿花煎湯旋入朴硝乘熱薰之候溫浸之單用硝水極妙曾用大有効

**本**治痔痛

大蜈蚣一條

大青州東

三個白礬一塊如

右將蜈蚣白礬二味為末用枣肉丸分作二丸燒烟用

竹筒透引烟薰妙

痒者補虛去虫

**垣**秦芫羌活湯治痔漏成塊下垂疔瘡不任其痒

升麻根

柴胡

甘草炙

麻黃根各五分

黃芪

秦芫各一錢

防風根七分

藁本三分

細辛少

羌活根一錢三分

右剉如麻荳大作一服水二大盞煎一盞去查空心宿食消盡服之忌如前

**梅**治痔有虫咬穀道痒或下膿血多取槐白皮濃煎汁安



盆中坐薰之塞其穀道湯冷更煖之良久欲大便當虫出  
不過三度即愈如用末綿裹納下部

丹治痔穀道中虫痒不止水銀束膏各二兩研勻捏如枣  
形薄綿裹納之明日虫出若痛者加粉草三大分作丸師  
方

羅淋滌藥治下部痔腫大腸頭痒痛

葳靈仙

枳殼炒各一兩

右為粗末熬水薰洗冷即再煖臨臥避風洗三次挹乾

貼蒲黃散

世治痔痒用五茄莖葉濃煎湯以瓶盛之坐瓶口上薰痔  
至湯温洗之三次必効

丹腸風痔漏有虫如絲細黑頭取去除根

瞿麥半升

猪牙皂角一升

右為末入猪腰子一雙內用米泔煮空心食之少頃肚  
痛上攻虫皆隨出作地坑埋之薄粥補之

入腸硬有寬腸

垣當歸郁李仁湯治痔漏大便硬努出大腸頭下垂多血  
苦疼不能忍

皂角仁

另為細末調服

郁李仁

秦艽各一錢

麻子仁

一錢半

當歸稍

生地

蒼朮各五分

澤瀉三分

枳實七分

大黃三錢煨

右除皂角仁研細末餘藥剉如麻荳大水三大盞煎一  
盞去查入皂角末調在內空心食前候宿食消盡服之  
忌風寒處大小便

丹如欲涼大腸寬大腸則用枳殼去穰入巴荳鉄線纏煮  
透去巴荳入藥用若丸藥則搗爛用煎藥則乾用

食治野鷄痔下血腸風明目方嫩槐葉一升蒸如茶法取

下血其者止血



葉碾作末亦如茶法煎呷之

干治腸痔每大便下血槐樹上木耳取末之飲服方寸瘥日三服良

肝治腸痔每大便常血水服蒲黃方寸七瘥日三服良  
食主五痔下血不止杏仁去皮尖及雙仁水一升研瀘取汁煎減半投米煮粥停冷空心食之

覃治腸痔多年不瘥下血不止木賊枳殼各二兩乾姜一兩大黃一分四味並剉一處入銚子內炒黑色存三分性搗羅溫粟米飲調食前服二錢七甚妙

外治患腸痔大便常有血食鯽魚羹及隨意任作飽食孫真人同

本治腸痔在腹內有鼠爛下血方

白蕪荑

椿樹東行根

狼牙根

貫衆

蝟皮炙

雄黃兩

白鱔頭一個

槐東引根白皮一分

右細末臘月猪脂和一九彈子大綿裹納下部

丹痔漏腸漏竅用赤石脂白赤脂枯礬黃丹腦子塞之

本治腸風痔漏用鯽魚一箇破開去腸入白礬令滿合之瓦上燒過為細末用雞毛捲藥傳之立効

治痔漏瘡方

雞子一個煮熟去黃取白切炒

白礬明者如皂角子大匙上枯過用三分

右為末先用溫湯洗淨拭乾用紙捻點藥送入瘡孔內立効日三易

右治痔漏下血如虛血必兼服黑地黃丸乃妙

衍鱗鯉甲燒一兩存性肉荳蔻仁三箇同為末米飲調二錢服治氣痔膿血甚者刺蝟皮一兩燒服中病即已不必

憂怒則發者調氣



盡劑

運氣 雜方

運氣痔發皆屬寒經云太陽之勝痔瘡發治以苦熱是也  
世治痔神應散治五種腸風下血上廁糞前有血名外痔  
糞後有血名內痔大腸不收名脫肛穀道四面有努肉名  
爛痔痔頭上有孔漏出名腸風並治之

黃牛角鯁

一枚酌中者槌碎

蛇蛻皮

一條白者猪牙皂角

穿山甲片

刺蝟皮

剉一兩

右五味細剉入甕瓶內以黃泥封固候乾先用小火燒  
令烟出後用大火煨令通赤為度取出攤開候冷搗羅  
為末服時先令患者臨卧時細嚼胡荑仁一個如糊用  
無灰好酒一盞送下不可言語便睡至五更時以溫酒  
調下藥末三錢至辰時更進一服雖久年不過三服立  
効

洗法

丹治腸風痔漏如神大樹木上寄生葉取乾為末酒水米  
飲任下或丸桐子大服三十九亦得

千治五痔方蒼耳莖葉以五月五日採乾為末水服方寸  
或丸桐子大服之立効

洗痔疼用荆芥朴硝桑寄生定痛解毒去風涼大腸熱安  
胎如腫者加五倍子木鱉子研細調傳 又方五倍朴硝

桑寄生蓮房水煎先薰後洗一方加百藥煎洗  
保淋洗法

右水煎湯洗

天仙子

荆芥穗

小椒

蔓荆子

本薰洗痔方用枳殼不拘多少為末每用二錢水一盞砂  
瓶內煎令沸先去瓶嘴上坐薰後却瀉出通手熱洗妙此  
妙除根



**世**洗痔方輕者用朝東馬齒莧劉寄奴濃煎湯薰待温却用手洗拭乾重者加大青葉梗乾者一半同煎  
**世**痔痒用灰莧帶根濃煎湯先薰後洗 又方取河水頻洗用蝸牛塗之

敷貼法

**經**痔漏用犍牛兒膽蝟膽各一個膩粉五十文麝香二十文將蝟膽汁膩粉麝香和勻入牛膽內懸於簷前四十九日逐旋取為丸如大菱角急送入瘡內後追出惡物日三驗候瘡口漸合用生麪蓋瘡內一偏出惡物妙

**丹**一方治痔用雄鷄膽片腦和勻帖之 一方熊膽塗之神効

**世**治痔用活蜈蚣一條以香油一小罐浸之陳愈妙傳之累驗

無貼痔法

蜀葵子兩半 蟬蛻五個 檳榔一個並為才

右用枣三枚取肉研細搜和藥末如覺硬滴少蜜研成膏量大小貼於病處

**羅**蒲黃散治下部痔漏

蒲黃 血竭兩半

右為細末每用少許貼於患處

**斗**門治痔疾有頭如雞冠者用黃連末傅之即瘥更加赤

小荳末尤良一方用黃連木香末付妙

無薰痔法

蝟皮切方三指大 雄黃束大 熟艾鷄子大

右為末用瓦器以灰實一半如燒香法安長桶內坐其上薰之烟氣從口出為佳凡三度薰永瘥勿犯風冷忌鷄肉毒物

薰法



本薰痔方用鼠郎皮一味瓶內燒烟坐身於瓶上薰三五次除根

枯痔法

世痔方赤脚蜈蚣一條香油煎酥紙上挹乾加乳香二錢沒藥二錢麝香粉霜各五分人指甲五錢泥裏煨乾脆為末用鵝毛管盛藥吹上如有水即時出盡不疼其物結一硬丁用線繫在上揭落之

羅治痔神効

雄黃

硫黃

明礬

各等分

右為末新盞盛藥先入礬末一半在底次入餘藥又將礬末一半蓋上用火煨候礬枯為度出火毒研末津液調傅乾落為度後用石膏五倍子為末收瘡口

周先生枯痔法

明礬

赤石脂

五錢

辰砂

痛加一錢

黃丹

右為末先用鬱金末護肛門如無鬱金用姜黃末代之調塗四圍好肉如不就加菖荳粉打合却將枯藥傅上如肛門疼急濃煎甘草湯放溫拂四圍肛門上就與寬腸藥

槐花

大黃

枳殼

木通

連翹

瞿麥

當歸

右半酒半水煎

枯藥早晨上一次日午一次洗去舊藥申時又洗去又上一次如要急安至夜半子時又洗上一次至次日且看痔頭淡淡黑色兩三日如烏奔四五日內用竹篦子輕輕敲打痔頭見如石堅至七八日便住更不須上枯藥且待自然如蘿蔔根乃脫去也洗用甘草荆芥槐花洗去舊藥方上新藥 凡醫痔之法且如明日要下手今日先與此藥



所以寬大腸使大便軟滑不與痔相碍且不泄瀉痔頭未脫落者須要日日與之以大黃一两煨枳殼炒當歸酒洗一两同為細末如桐子大好酒吞下 治枯痔頭慮生他証凡用枯藥或觸壞腎根或水道赤澀痛與此方大黃木通生地各一两滑石瞿麥各半兩同為細末每用四錢煎服 催痔方如枯盡未脫落以此催之好磁石一錢白姜蚕生川烏五分同為細末冷水調傅上立脫 凡用枯藥去盡乳頭恐留痔硬頭損破肛門四圍成瘡用此藥龍骨一錢石膏一錢沒藥五分膩粉五分同研十分細先以荆芥湯洗次摻之切忌毒物生姜 痔脫後用甘草湯荳豉湯洗再用荆芥五倍子煎水洗便不生膿 治痔脫後肉痒方用大粉草濃煎湯洗 收腸方凡用枯藥脫下乳頭隨即與此以收其腸此方補氣又收膿去血生肉令痕壯

人參

當歸各一两

川芎

甘草

白芷

防風

厚朴

桔梗

桂枝

黃芪

右細末半酒半水煎如惡酒者酒少水多煎之夏月減桂朴加芩栢

繫痔法

經

治痔瘻有頭方用芫花入土根不限多少以淨水洗却入木臼搗用少許水絞取汁於銀銅器內慢火熬成膏將絲線於膏內度過繫痔繫時微痛候心燥落時以紙撚引入膏藥於竅內永除根未落不得便尿

割痔法

周先生割痔麻藥

川烏

草烏尖

胡椒

吳茱萸

花椒

白姜蚕炒

右細末酒調傅四邊然後割之又以此藥傅之否則亦



用麝香龍骨塗之

右枯痔繫痔割痔三法用前藥服及敷貼不退者然後用之必敬謹之不可視為常法

蝕痔法

**本**治痔漏此因大腸感風熱而生

生砒字一

水銀一粒如米大 膩粉字一

麝香一粒如小豈大

右件並入乳鉢內研極細如痔如有珠子者將礬湯淨洗拭乾用手撚藥指在痔上覺痒便是藥行一日二次又洗五日後住藥見効如或有孔只用紙撚引藥送入令徹其內更用紙貼孔前一日二次使藥自能生全陳無

擇云忌用生砒恐毒氣入腹今兩存之以治殊突者

針灸

針灸痔獨取足太陽經云足太陽之脈所生病者痔瘡視盛虛熱寒陷下取之蓋後世取承山穴者是也

其二論督脈而不見其取法經云督脈生病癢痔蓋後世

取長強穴是也

**丹**治痔瘡大蒜十片頭垢捏成餅子先安頭垢餅於痔頭上外安蒜片以艾灸之

**本**唐峽州王文顯充西路安撫司判官乘騾入駱谷有痔疾因此大作其狀如胡瓜貫於腸頭熱如溏灰火至驛僵仆主驛吏云此病予曾患來須灸即瘥用柳枝濃煎湯先洗痔便以艾炷其上連灸三五壯忽覺一道熱氣入腸中因轉瀉鮮血穢物一時出至痛楚瀉後遂失胡瓜所在登騾而馳去

**玉**痔漏下血裡急後重或痒或疼

二白在掌後橫紋上四寸手厥陰脈兩穴相並一穴在兩筋中一穴在大筋外針入三分瀉兩吸

長強一寸大痛方到穴瀉三吸

**世**灸法 長強一寸大痛方到穴瀉三吸如灸可七壯雖久不愈者亦効



又法 脊骨凸處與臍平對是穴壯七 承山二十寸半補

壯可七

**甲**痔篡痛承筋主之 痔篡痛飛陽及委中扶承主之

痔痛攢竹主之 痔痛會陰主之 痔與陰相通者死

陰中諸病前後相引痛不得大小便會陰皆主之 痔骨

蝕商丘主之

**無**腸癖為痔如大澤中有小山突出為痔人於九竅中凡

有小肉突出皆曰痔不特於肛門邊生有鼻痔眼痔牙痔

等其狀不一方書分出五種曰牡曰牝曰脈曰腸曰氣牝

痔者肛邊生瘡腫突出一日數枚膿潰即散牡痔者肛邊

發露肉珠狀如鼠妳時時滴漬膿血脈痔者腸口顆顆發

癩且痛且痒出血淋漓腸痔者腸內結核有血寒熱往來

登溷脫肛氣痔者遇恐怒則發肛門腫痛氣散則愈又有

酒痔每遇飲酒發動瘡腫痛而流血血痔則每遇大便清

血隨下而不止宜解熱調血順氣為主若久不愈必至穿

穴為漏矣


治痔切勿用生砒毒氣入腹反至奄忽忌喫生冷硬物冷

菜之類及酒濕麪五辣辛熱大料物及乾姜之類犯之無

効此東垣格言也

忌





醫學雜誌卷五十一

三



